

三月廿九日發行

（光緒廿九年四月廿九日發行）

光緒癸卯四月

湖北學界

第四期



湖北學生界特別廣告

一本報總售處分三大路長江上游爲一路以武昌中東書社爲總發行所四川湖南

江西河南湖北長江下游爲一路以上海國民叢書社爲總發行所江蘇浙江福建安徽山此分派北

洋爲一路以北京椿樹頭條胡同咸寧館天津北洋官報局爲總發行所直隸山東

山西陝西願爲本報分派處者可與三大路總行直接一切不悞尊覽山此分派

二凡中國通日本郵政局各處可與日本東京開辦處直接本報按期發行無一

阻礙凡寄報資來購者飛郵呈上不敢刻停其有寄上本報四期尙未寄報資


來者作零售價算

三本報第二第三期因郵船遇礁運送到上海稍遲國民叢書社購者環集無以

應命本社社員對閱者諸公深形抱歎自此期起另換運送店不敢遲悞

請看 湖北學生界再版廣告 呈鑒

本報第一次出版風行一時數千部均已售盡各處投函購閱者復紛々不絕實無以應諸君子之求現自二期再版數千部速寄海內各省設猶不敷閱者之數更三版四版務求速悅諸君之日源々不絕本社特此敬告



內地氣漸開游學日本者踵相接湖北雖多官費生而自費者蓋甚寥寥近數月來亦紛紛聯袂東渡其因路途生遠而自阻者想仍不少宜呂王君慕陶寓居上海新聞新馬路餘慶里十九號國民叢書社願以所寓作湖北同鄉招待處本報特奉告同鄉志士有東渡游學者至上海時除向留學生會館所設招待幹事訪問情形外可至王君處商詢一切則照料更覺周備萬不至有迷途之苦俾我同鄉志士東渡者日益加多則同人所私心禱祝者也

湖北同鄉會敬告

自然力之利用

三澤力太郎

物理學計算法解說

近藤清太郎

以上二書現已譯成不日出書

師範講義出版

是編三大特色(一)蒐羅宏富全書共四大冊將近千頁約計一三二十萬言分十五門(1)教育原理(2)法制大意(3)小學教育制度(4)德法英美教育制度(5)國家教育學(6)學校種類及系統(7)師範學校(8)小學校教授法(9)中學校(10)經濟大意(11)地理大要(12)理化概要(13)生理衛生學(14)課外講義(15)參觀筆記並插精圖四百餘讀者盡此一編而教育之理法切要之普通已可略窺(二)敘論明暢講授者皆日本專門之教師譯述者亦一時之俊選筆記諸君則皆中學有素互相改潤一編動經數人之手絕無佶倂繁牙之辭(三)價值低廉近時新書出版日多大都濫刻定價濫與書賈折扣所苦者惟我講究新學之同胞耳本會同人力矯此弊於學生界已見一斑是書尤格外從廉較他書頁數倍之而價只及其半蓋本獻身注意踐輸入文明之實行內地教者學者手置一編自知非誇誕之言也

定價全部一元四角

上海發行所

新聞新馬路餘慶里三弄十九號

國民叢書社

湖北發行所

武昌省城橫街

中東書社

日本發行所

東京駿河臺鈴木町十八番地

湖北同鄉會教育部

湖北學主界第四期目次

論說

●尊我篇

●中國民族論

○精言○第一節中國民族之定名

教育

●教育與羣治之關係

經濟

●普通經濟學

○論慾望

實業

●工學 應用工學 (電氣續前)

軍事

●軍事與國家之關係

歷史

●傳記 中國民族主義第一人岳飛傳

○發端

小說

●日中露 (續前三期)

詞藪

●楚風集

○渡美紀行詩○歐船錄○自由吟



050
7233

●愛國廬詩話

時評

●痛黑暗世界

雜俎

●思潮一勾

●奴痛

國聞

外事

留學紀錄

◎湖北同鄉會報告◎日本大阪博覽會中國福建

出品移出臺灣館始末記◎弘文學院學生退校前

後始末記◎成城學校留學生罷運動會◎廣西電

爭◎學生軍緣起

附湖北調查部記事

●湖北各州縣派定籌抵籤捐每年應解

數目表 (本門因礙於篇幅下期登載)

告表	價定	廣	一月每		
			行發日朔		
價	五	圓	本報		
			定報		
凡欲惠登廣告務於本報發行前五日交到價須先惠長期酌減	三	圓	全年十二冊	半年六冊	每冊
			大洋二元	大洋一元一角	大洋二角
	二	角	寄費視路遠近照加 閱月視零冊價照加		
	一	頁	一行四號十七字起碼		

論 說

尊我篇

釋氏之言曰『天上地下惟我獨尊』之言也。日本人最樂道之於不識不知中養成一般自信自喜最高尚的性質之國民是以區區三島孤寄海外立國以來曾未受他人之羈絆雖以成吉思汗震疊世界之武力終不能得志於彼試取吾中國屢被屈服之歷史與相比較豈不自覺其汗顏哉推其原因則一視其國民之能自尊與否耳某奮然而起曰世之可尊者孰有過於今日之中國之我耶

今日者十九二十兩世紀之交也。中國而亡也。其必於斯。中國而興也。其亦必於斯。斯時也正天地所爲造成最重最大反動力之時勢以待我之幹旋轉移而演出空前絕後獨一無二之雄快的活歷史也。生我於衰周之季。不過與諸子辨異。同生我於秦漢之交。不過與經生守故紙。生我於宋明之末。不過與諸儒講道學。國家無事

則高拱以談風月中原多故則勦力以殺同種前乎我者但知有此種之幻劇也後乎我者不知有如何之變象也則雖欲殫我腦力焦我筆舌渴我口沫超脫社會之腐敗幻成一大未來之黃金世界然既無徵於往古又無取於旁觀使不增益以種種因果輪回之謬說雖我亦不敢自信矣其在於今則此苦何有哉讀美國獨立史佛國革命史令我歌令我泣讀印度蠶食史波蘭衰亡史令我怖令我懼而天演家之所謂烏託邦者又紛然而陳於我前我而玩歲愒日則亦已矣我而欲及時也則安得不撫髀而歎曰時乎時乎不再來乎

我之祖國地球上天然之大帝國也其地多居溫帶其富可甲地球原隰以奠之江河以疏之湖泊洋海以沼之沙漠山嶺以限之外興安嶺我北疆也葱嶺山脈我西域也南洋羣島我南藩也花彩羣島我東蔽也開二千萬方里之大陸於中央以爲我之安宅雖天然之勢力雄厚足以生人民保守之心而消其進取之氣然在今日環列我四方者皆不恤剝我之膚飲我之血餐我之骨吸我之髓以求滿彼之慾壑譬諸睡獅操杖而擊之者徧於其旁彼雖欲沉酣於數千年頑夢之中恐亦不可得

矣。安見其不蹶然而興。一吼而百獸驚。再吼而羣魔伏。哉。普魯士人愛國之詩曰。
『我宗邦必增廣而無極兮。斥遠而靡疆。』吾愛之。吾欲爲我歌之。

我之種族。世界最偉大之民族也。起崑崙之故墟。循黃河而東漸。與禽獸戰。與苗蠻戰。其祖若宗之爭競於天演界中者。蓋不知殫幾。何力流幾。何血乃得。獨占一優勝之地位。以張皇發揮而爲中原之望族也。溯文明則起四千年以上。檢戶口則得四百兆有奇。其人治可謂烈矣。其得天亦獨厚矣。雖自典午失運以來。文物聲明。屢被蹂躪於胡塵戎馬之下。近世勢利之口。又毛舉其弊政稗俗。以相訾警。醜相於博物院。放人類於博覽會。且謂『將來世界人文史上。支那必長立於無意義之地位。彼豚尾其髮。鼯鼠其食。服用鴉片。矮陋而無氣力者。不過爲世界上最劣等之人種。』一犬吠影。百犬吠聲。肆情詆謀。不留餘地。然而流俗之弊。何國蔑有。特患我國人之矇昧。不知痿靡不振耳。倘其明目達聰。棄頑從善。安見彼之所訾。遂終爲我國之病哉。又安見彼之所言。不適爲我針膏育。起癢疾之一助哉。現今世界之民族。足以凌駕乎我者。白哲人種也。白哲人種之最。條頓與斯拉夫也。條頓人之言曰。『貿易殖民。』

者吾人種之天性。』斯拉夫人之言曰：『大陸之地必吾人種實統一之。』蓋莫不有席捲天下囊括宇內之野心。然由我爲之推其流極必將變世界爲一大戰鬪場。殄氣全興殺人盈野。陵谷厭肉。川河流血。至其末日終莫知鹿死誰手。使我族而有勃興之望。則將立於亞洲之中心點。右挈歐土。左提美陸。俾皆立於勢力平均之地。微論白色難三字可以絕跡於黃軒之區。宇即彼蒙古舊部。南越殘種。與夫紅黑櫻色之子。遺亦皆可以復恢其完全無缺之天然資格。使勿奄然澌滅。萃種種色色之人類以成一並立之大聯邦。而保全天地之平和盛德大業。其蔑加此非我族類。夫誰能當之哉。

夫我之時代。我之位置。其足以成就事業也。既如彼我之種族。其足以左右世界也。又若此我之爲我誠獨立於人世。上特別之優點也。我之尊我亦無所謂。身世外錙銖之過分也。然而席天地之利者不可缺。人力望後日之果者必須種前因。不見首啓文明之埃及。已降爲被保護國乎。不見富於天然之印度。已淪爲英領地乎。天道靡定。視我自爲人事。奚常惟我自處。我不能自尊。雖欲致諸九天之上。無能爲役也。

我而能自尊雖欲墜諸九淵之下亦蔑有濟也故爲今日之中國之我者必保其高尚優美之人格而自尊之且率其種族而各自尊之而後因尊其種族者以結之而重視國家且因尊其國家者以推之而愛惜時日庶幾我之時代非朝不謀夕之時代而日進無疆之時代也我之國家非記庇他族之國家而完全自主之國家也我之種族非生番土蠻之種族而蕃殖進化之種族也彼悠悠之口其笑我瞋我怒我詈我於今日者安見其不轉瞬間而香火祝我神明奉我哉我願在今日之中國者各自尊其爲我我尤不敢不先自尊其爲我

中國民族論

是篇大致以英人狄羅氏中國民族盛衰滅亡史爲粉本參以日本前文部大臣尾崎行雄氏支那處分案澁江氏支那亡國記其他各書日本藻洲氏頗留意中國前途會爲中國民族作偉論數篇投之本社是篇亦多採錄其原文夫外人宏篇鉅作探幽索隱歷陳吾民族之利弊吾國人夢夢昧昧一無所聞是對東西人士而自羞也用譯述是篇示吾民族

緒言

論 說

北由崑崙山脈出黃河西由布壘楚河出吳淞南由嶺表出西江縱橫萬里中有不可思議之一大擁腫物焉得年齡四千餘得分子四萬萬鞭捶之蹴踏之使服賤役此物不知勞悴械其手足吸飲其膏液跨臂而游牧之此物不知痛頭腦繫纍不便使用也結長索而操縱之此物以爲美觀主人翁乃提其耳撫其頂執策而語曰據汝居游地豢養汝多年汝感吾恩遇否汝類有欲噬我者汝嚼殺之此物搖尾振首喜得主人翁一命如獲天賞白哲人過其故墟仰天笑絕曰吾尋奴隸徧地球鮮具完全資格者此物性質馴良喜服從就壓制大適奴顏婢膝蒼頭赤足之作用羈繫野蠻酋長之下尙朝夕而依戀之況人吾文明人掌中大施佛家普濟手段招之使升最上等奴隸階級當出此物初願之外於是紫髯碧眼兒爭航中國海釋印度惰疲之奴隸非洲無腦之奴隸羣求老於奴隸之總奴隸物於東亞大陸

東亞大陸數千年義黃孫子飲食居處之勢力範圍也一吼而苗獠獐獍退處山穴再吼而胡羯腥羶潛伏腋下溯其祖先歷史眞上帝驕子也中世以還中原文

明盡爲北方人種蠻力所蹂躪慘慘鼎革平賊之殺戮茫茫歲幣宴遊之需索皆此龐然碩鈍物首受其禍又假數千年君主專制之奇術鉗制其頸項數百家道學忠孝之邪說盡感其心思使永世言忠言孝不敢萌異志然復恐一日咆哮移動蠢蠢有生氣不得舒繫縛屠龍之手段也甌脫其皮肉委棄其脈絡朱書欲血以敬獻朋友毒矣哉奴心奴行猶矯矯自詡爲數千年神明之胄冠帶之倫者將驅汝入深山大海慘不知其何所底止伯叔兄弟人其禍汝賤哉吾中國之民族也悲哉吾中國之民族也已焉哉吾中國之民族也

驗病者不察受病者之體格貿々然無所用其鍼灸乃數十年來之診治者曰變法自強也曰平權自由也曰平新舊之界也曰代立憲法也仰首長嘶隔靴搔癢雖滴盡愛國之血灑遍憂時之淚于吾民族上之權利之影響毫無補益捲海大風潮日日逼迫激刺于吾國民之腦幾瀕于死生不知其所自來死不知其大原因白日幽囚羣鬼賜餌回首江南腸斷事爲他人作嫁衣裳此吾民族傷心抱痛而不能已也聞之美利堅人曰美洲者美利堅人之美洲他人不得干與敢倡

言以告同胞曰中國者中國民族之中國非中國之民族不得干與

十九世紀至二十世紀民族主義長養發達之時代也單純民族的國家盡一民族之天職其進步速複雜民族的國家一民族為主必以一民族或數民族爲奴待各達獨立自治之運命始得觀自由天日否則分割壓觸而同底于亡日本之發憤維新法蘭西之迭經革命英格倫之首倡憲法單純民族的國家所以能統一國民增長政治之能力也日耳曼意大利離奧而獨立國家匈牙利別奧而獨立政府迄今過柏林羅馬布達佩斯德雄都魏々聯邦之會堂凜々三傑蘇葛祿之肖像何一非食建設民族的國家民族的政府之福乎使長此伏奧之下恐如印度之久戴蒙古人種必至分裂破碎而俱亡也今以中國之民族論成單純民族之中國以中國之現勢論屬複雜民族之國家彼俄羅斯統一諸族斯拉布民族智而衆他種人少而愚之故此中國民族不足沿爲例者民族主義由歐而美而澳渡日本海駸々然膨脹入中國其有感此風潮展歐洲民族發達史而一閱者乎今日而放棄民族事業恐他民族直挾民族主義再盤據中國裂吾土亡吾

種吾民族無噍類矣

快哉愛耳蘭之問題民族之問題也壯哉杜蘭斯非律賓之戰爭民族之戰爭也悲哉波蘭之分裂其民族在奧在德之感情未嘗一日忘波蘭也獨越南之餘燼印度之遺民臺灣之舊族鼓舞酣歌于異族軛絆之下吾觀其形影兢兢得好主人以自炫吾亡國之淚不竟黯然長下此亦亞洲民族之特色更不必爲吾中國民族諱夫立于一國之下其民族無組織行政之特權曰奴隸仰他族人之鼻息曰亡國之民一國之內容聚數族大者制小小者必融化消蝕於無形小者制大者必多造愚民之具束縛其才力久更共并于他族智者離而去之德意諸國倡新建獨立之國家愚者昧而安之印度終釀蠶食之禍嗟乎折骨之血飲首之淚購回一民族原物千百志士忍痛苦而爲猶恐弗逮奈之何希望他人借著而用不亦愚乎

嗟予遠祖建造文明之國貽厥後人間先時葱籠宮闕哭斷冬青話當年青碧江山照殘春樹東海西海南山北山美哉大都鹿失誰手凡我國人親戚朋友涕泣

告曰世界民族主義之大動力排山倒海浸淫灌注于中國大平原盡驅吾族于深山窮谷爲苗族爲因陳人種非昔日亡國之比例也吾中國今日不提倡民族主義爭優勝於天演後百十年將不見吾民族之片影

第一章 總論

第一節 中國民族之定名

中國民族者黃帝一統太古民族以來之通稱也雖地偏亞東不得謂之中權移外人不得謂之國子子孫繼繼承承四千餘年之血族聚族於此中國民族者仍祖國之名號也據古昔載籍呼曰百姓民族求外國譯書稱曰支那曰震旦民族皆不合中國之定義中國者無一定國號之國也朝三暮四革命易朝獨中國二字嵌入吾民族腦筋中如壓字機器印入聞之雄武強大之國必表彰其民族爲一國國民所矜式亡國之民無聞焉英之盜格魯俄之斯拉布大書持書其民族勢力所以照耀于全世界也夫國與種相配合其人民乃能達國家之目的享有其權利關一族之特性其國乃爲本族所專有不失利益于外人十九世紀以來戰爭學術技藝宗

教無一不源于民族主義四字中國無民族乎此中國民族四字所以必研究也
 (A) 一民族立國于衆異族之中曰中國民族

案之者曰中國民族者最展布本族于異族中之民族也東夷西狄南蠻北貊謂之四裔即民族中央自立之證據周秦以前與我民族雜居四隅者有獫狁島夷葷粥氏羌陸渾山戎之屬雖有苗氏據有江淮亦爲黃河西來種人侵蝕殆盡降及兩漢西包大秦東過樂浪南及九真日南逐匈奴泱々乎軒黃堯舜之子孫有威光有名譽之時代哉宜其高踞中國以臨視四方也魏晉以還匈奴巴氏羯羌鮮卑東胡吐番回紇黑水靺鞨之族類混入中原腥膻滿地文物南遷我民族以天演優勝劣敗之理亭毒而虔劉之故中國者仍爲我民族居中制外之中國一化其強悍剽劫之氣今日歐風不競將盡驅吾種類而解散之不使聚處一方自成團體恐不得長有中國民族之名號也

(B) 一民族居中獨立不依傍他族之國曰中國民族

案之者曰祖龍築長城逐胡人收河南七百里其鞭策異族之大風乎漢唐陽爲和

論說

親陰納內屬歸附于朝貢之下亦日中之盛暑也五胡之禍北伐雄慨多有見于擊楫聞雞之事猶不愧爲獨立民族者自石晉賂契丹以燕雲十六州戀々于異族肘腋之下而稱臣稱姪之禍來而盜竊神器之禍來奄奄中國盡洗自尊自立之風氣排棄攘夷殺賊之首功遂終古奴隸于異族去一主人翁又來主人翁矣優哉中國之民族他人種遇之無不敗始未嘗無獨立大國民之資格也有包涵異族之氣象有左右異族之雄心其曰長蛇封豕薦食上國上國者吾中國爲高尚之人種不容劣人種之侵入也其曰不與同中國與劣人種雜居恐失中國優人種之性質也今已矣日日乞憐於他族彼族高視濶步視吾中國污穢狼藉不足容足而吾民族舊日祖宗之文化魄力掃地殆盡受禍亦毒矣哉

(C) 一國民族統一諸族集權中央曰中國民族

案之者曰中國民族者中央集權之民族也中央統一之制發達於三皇五帝立國之先其民族導崑崙沿黃河兩岸數千里一曲一折平原大澤巨流彌望無中央統一之政策民族易於分裂他族易於攻入其地勢使然也蚩尤梟首以來有苗氏最

爲強悍土著舊族雜居其內西戎白狄犬族羊族之倫環處於外中央統一之制所以集一族團結力排斥外族其時局使然也堯舜之世立貴族之政體三代以降成革命之命運僅共和政治爲吾國民未有之奇彩自檜以下專制之局定矣此皆中國民族中央統一之因果也秦漢以前善於用之使國民日日有夷狄中國之心故其民族能力專重國家不能殺敵罪其政府呂刑之作六月之詩其有吾民族之遺風乎秦漢而後茫茫大陸私產于一人國不知有國民不知有國中央統一之初意一變爲帝王思想者之特權而吾民族之觀念之意義無一毫入吾國民之腦浸假而有五胡之禍浸假而有遼金元之禍滅亡之史穆黑之戚歷々眼前吾民族中央統一之盛世回首一記憶乎知我先祖之計畫矣

日本表彰其民族之特色也曰大和民族曰大和魂曰耳曼追述其祖國也曰森林民族曰日耳曼人種凡不能景仰贊歎其民族祖先至于孫子若何建國若何拓地若何與異種人戰若何成自由民若何鼓民族進取之氣若何樹民族分布之旗其民族定義金碧映目而書之者必爲無國之民或爲奴隸之國嗟彼猶太亦越印度

論說

十四

先為予痛也。西哲有言曰：國民者，腦筋中有本族事業之民也。有民族思想之民，其國強。無民族思想之民，其國亡。吾將起吾國民而告之曰：中國民族四字，或坐或飲，或居或游，由小腦入大腦，渡哇落里斯橋，鐫刻澄記而不忘，而吾種族始得雄飛于二十世紀。

未完

玉樹後庭

花不見

北人租

地種茴香

教 育

教育與群治之關係

地。球。上。獨。一。無。二。之。帝。國。四。千。年。神。聖。創。造。之。歷。史。四。萬。々。龐。大。靈。秀。之。民。族。而。摧。殘。朽。敗。至。於。今。日。無。一。人。備。國。民。之。資。格。痛。矣。哉。吾。國。之。無。教。育。也。數。十。年。來。列。強。之。民。族。帝。國。主。義。膨。脹。而。東。吾。國。當。此。惡。風。潮。旋。渦。之。中。心。點。喪。師。賠。款。割。地。失。權。殘。息。喘。々。滅。亡。無。日。朝。野。上。下。稍。々。知。變。計。教。育。之。聲。始。嚶。嚶。如。晨。雞。之。甫。唱。痛。矣。哉。吾。國。至。於。今。日。而。始。言。教。育。也。然。而。以。吾。國。腐。敗。之。現。象。而。從。事。革。新。必。非。掀。拾。一。二。皮。毛。所。能。濟。事。凡。百。機。關。之。頹。廢。而。聳。々。然。云。興。教。育。興。教。育。痛。矣。哉。吾。烏。能。必。五。年。十。年。二。十。三。十。年。以。後。教。育。之。成。績。足。以。救。吾。國。之。亡。焉。否。也。

漢東生曰。吾國今日言教育。惟是今歲上一奏。明歲下一諭。此處辦大學中學。彼處辦小學蒙學。無當也。有其目的焉。有其方法焉。目的者何。群治之必待教育興而革。

新者是也。方法者何。教育必待群治革新而始興者是也。教育必待群治革新而始興者則群治革新在興教育之先。群治之必待教育興而革新者則群治革新在興教育之後。在興教育之後者。吾向其目的而求達焉。在興教育之先者。吾認爲興教育第一著手之方法。竭力掃除不使爲吾教育之障礙焉。如是乃可以言教育。吾今舉群治革新在教育之後。與在教育之先之最要者而條列之。

吾國何以內政不修。惟無教育故。其初生也。父母之所期望其長也。師長之所教勉。莫不曰。作官作官。夫何貴乎。作官也。爲其得厚祿。享榮名。光祖宗。耀親戚。福妻妾。庇子孫也。此誠社會之毒習。哉。嗚呼。十年僥倖。一旦果其作官矣。平日之所濡染。已毒入腦而不可拔。又非蠅營狗苟。不能償其所欲。得償其欲。官之能事畢矣。彼烏知國家爲何物。政治爲何事。對於國民有若何之義務。對於外國有若何之權利。上焉者庸庸無事。不爲民擾足矣。況乎不犬馬魚肉其民者。之百不一得哉。科舉進者如是。一字不識。捐納而得者。更不待言。故人恒惡官。罵官而欲殺官。然吾以爲無益也。彼皆未嘗受教育。殺不勝殺。殺之亦誠冤事也。故教育不興。內政不得而修也。

吾國何以外交不善。惟無教育故。前此視外人爲蝮蝎。矚然自尊。不屑與外人通交。涉繼經屢次之彈烟砲雨。震其頑夢。乃又視外人爲神明。排外人之惡習。轉化爲媚外之醜態。故交涉一次。卽失主權。一次。外人索吾土地。予之。索吾鐵路。予之。索吾礦山。予之。索吾種々。不堪聽聞之條約。亦靡不畫諾。之平時。以酒食魚肉。結其歡心。臨事。則貢同胞之血肉。祖宗之邱墓。以爲外人保舉。我替譽我之地。任外人展其波譎。雲詭之手段。鷹麟鸚睨之政策。而彼如隔十里雲霧也。豈知外人之善外交者。必悉國際法。必知各國政治上現行之主義。孰宜諦盟。孰宜拒絕。主權如何保護。國勢如何擴張。利權如何收攬。罔不熟運於胸中。夫豈肉食無謀。夤緣外人者所能窺其萬一耶。故教育不興。外交不得而善也。

吾國何以兵備不整。惟無教育故。彼夫擊坎々之鼓。揭簇々之旗。盡死命。効死力。爲國民之前驅者。其各國之國民軍也。歟。大勢之所趨。非兵力悉敵。無以保和。平均勢之局。無國民軍之國。必將不久存於世界。事理之必然者。吾國之無兵人々所能知也。卽紛々練兵矣。吾亦決其無用。何以故。地球萬國。未有無國民而能成國民軍者。

未○有○無○教○育○而○有○國○民○者○。教○育○者○製○造○國○民○之○器○械○。國○民○者○製○造○國○民○軍○之○材○料○也○。欲○存○吾○國○非○行○人○盡○爲○兵○之○制○不○可○。驅○今○日○之○民○使○盡○爲○兵○。烏○知○愛○國○。烏○知○愛○種○。烏○知○血○稅○爲○國○民○之○義○務○。其○有○不○與○前○之○綠○營○防○勇○。今○之○練○兵○同○一○無○用○者○。幾○希○。故○教○育○不○興○。兵○備○不○得○而○整○也○。

吾○國○何○以○警○察○不○行○。惟○無○教○育○故○。吾○未○嘗○遊○歐○美○。吾○惟○至○日○本○。入○其○通○衢○。正○衣○冠○。尊○瞻○視○而○木○立○者○。警○察○官○也○。歟○。無○冬○夏○。無○晝○夜○。暑○雨○祁○寒○。無○稍○避○接○其○言○。囂○如○也○。有○所○問○。莫○不○詳○盡○以○告○。有○爭○者○。循○循○誘○勸○之○。無○惡○聲○厲○色○。而○鞭○扑○之○事○。更○無○論○也○。故○民○咸○畏○愛○之○。警○察○者○。誠○安○內○之○良○法○哉○。吾○國○亦○漸○有○警○察○矣○。然○以○吾○所○聞○。命○盜○奸○拐○之○案○。皆○出○於○警○察○。其○餘○欺○良○。懦○殘○。鄉○愚○。辱○士○。類○更○不○待○問○。吾○始○見○其○袖○手○遊○街○。若○跳○猴○。以○爲○不○過○無○益○焉○。已○耳○。不○圖○其○爲○害○之○。至○於○此○也○。何○以○故○。外○國○之○警○察○。皆○中○學○卒○業○之○學○生○。品○學○兼○優○者○。又○加○之○以○訓○練○。吾○國○之○警○察○。召○集○之○。無○賴○焉○。耳○。故○教○育○不○興○。警○察○不○得○而○行○也○。

吾○國○何○以○實○業○不○盛○。惟○無○教○育○故○。國○之○富○強○。農○業○。工○業○。商○業○。誠○無○形○之○兵○備○乎○。農○戰○。

工戰商戰之國非農戰工戰商戰也實學戰耳農知學則收穫增培蕙工知學則能製造創新法商知學則市場闊異境此其明效大驗也吾國農不如人執皇古之耒耜沾變遷之土地肥者日見其瘠耳工不如人守高曾之矩矱烏能敵理學的化學的幾何的之製造品哉商不如人零星散渙之販賣烏能敵合羣之大公司網陸利之火車裝運擅海權之商輪哉雖然吾民勤儉耐苦勞健而敏慧重信義東西人多艷稱之此誠宜農宜工宜商之特性哉苟非無教育吾國之農工商擴充其膨脹力超全球可也故教育不興實業不得而盛也

率吾國青年靈敏之腦筋活潑之精神強毅之魄力以消磨於榮瘁得失之途養成一種與國家痛癢不相關之人格老死而無用如所謂讀書人者其科舉之毒也歟深識者言之詳矣吾特怪今日皇然言興學而此毒之不務去也果不欲吾國有真國民乎則仍舊蒙蔽焉可耳何必假辦學堂也將謂改章程去八股亦遲迴審慎之苦衷乎則吾國諸務之廢弛正坐此遲迴審慎之病也將謂學堂自學堂科舉自科舉乎然吾國學者思想甚薄弱志趣甚卑近誠問學堂之學生孰不求科舉者三年

五年之卒業何如。乞靈於風簷寸晷之文字一擊而中。便詡々然功名高出朋輩也。學堂之教習。孰不求科舉者。挾區々之伎倆。居師範之席。飲食所餘。僅足以壯裘馬。養妻子而已。何如。僥倖一售。便可指日作高官也。吾知考試之期。學堂中必有特例。停課數月。俾教習學生得從容於瀏覽書籍。揣摩闡藝。以爲場屋之預備者。嗚呼。奮起直追。遵世界教育之前軌。汲々顧影。猶萬々不及。况以此物爲喉之梗乎。故科舉不廢。教育不得而興也。

東西文明國。莫不專設文部。以辦全國之學校。誠以教育爲國家存立之根本。不得不重之也。吾國今日興學。必首設學官。設學部。大臣設各省。各府。州。縣。視學官。各學堂之監督教習。皆使爲學部之專官。多其等差。不得遷任他職。使得終身從事於教育。吾決其有效果之可觀也。不然。若前此之學政。鄉會之考官。各府州縣學國學翰林院員。亦多矣。試問於教育二字。有絲毫之影響否也。科舉若廢。學政鄉會試之考官。去之必矣。然或以學堂卒業之階級。仍襲生員舉人進士翰林之名稱。則各府州縣學翰林院。未必盡去。明知無用矣。何愛惜此贅瘤爲也。即或去之。而以教育之事。

專責諸百務叢集之地方官苟能此猶恐不濟況其於此道昧々耶若所囑託之監督教習則更視如差遣視如貿易知何者爲管理何者爲訓練耶故學官不設教育不得而興也。

國民無就學之義務者雖學堂林立不得謂之有教育之國何以故教育者普及之物如布帛如菽粟人々不可缺者也故各國所謂國民教育卽強迫教育。覘國之文明程度者以強迫教育年限之多少爲斷吾國興教育不可獨悖此例也明矣雖然無地方自治之制者斷々乎其不行蓋義務云者父母有使其子女入學之義務卽有擔荷經費之義務有擔荷經費之義務乃得各任其使子女入學之義務不然經費無所出教育卽不得而施也吾國官不理民事民亦不自謀其事久矣方多方求避官之搜括一日使之人々納費以教育其子女烏能執山澤之民一一告之以故也惟行地方自治之制使地方之賢能者自謀其公共之利益則民知所出之經費所以自用而非前此之貢獻於官吏吾知百廢具舉學堂徧全國矣故地方自治之制不行教育不得而興也。

由前之說。教育之目的。所從生也。由後之說。教育之方法。所從入也。凡作一事也。惟
 有目的。故則不得不盡力以謀其方法。有阻礙吾之方法者。不惜洗肌伐骨以求去
 其毒而後已。有裨益吾之方法者。必求獲焉而後已。惟有方法。故則凡所設之目的。
 無不能達者。然而吾拭目觀吾國之教育界。其目的。其方法。非吾之所得知也。雖然。
 群治革新在興教育之後者。猶可強自寬解曰。姑俟之。姑俟之。若群治革新在興教
 育之先者。則將何說哉。將聽其方法如何。而冀僥倖得達其目的乎。吾安能作此豚
 蹄篝車之望也。將待在上者用其良方法矣。乎。然以今日之現象卜之。吾安能作此
 守株待兔緣木求魚之想也。吾思之。吾恨之。不如舉今日所謂教育者之根株之萌
 蘖而盡鋤去之。勿使惡種子徧布吾國青年之腦筋。勿使假面目淆亂東西教育家
 之耳目。雖然。吾何忍焉。吾何忍焉。吾仍將薰沐焚香膜拜千遍。膜拜萬遍。號佛千遍。
 號佛萬遍。敬祝吾國之官吏。勿徒知以辦學堂為哄外人之觀聽。為搪塞詔書敷衍
 新政之慣技。敬祝吾國學堂之監督總辦。勿徒知魚肉學生。奴隸學生。盜賊學生。監
 獄學生。以媚大吏。得保舉。蝕經費。為得計。敬祝吾國學堂之教習。勿徒知貪不得其

值○之○薪○水○以○吝○教○居○奇○爲○能○事○吾○敬○祝○吾○國○學○堂○之○學○生○勿○徒○知○以○學○堂○爲○出○身○之○
 捷○徑○衣○食○之○根○據○地○果○其○爲○奴○隸○教○育○也○勿○搖○尾○帖○耳○污○辱○學○生○之○資○格○果○其○爲○國○
 民○教○育○也○勿○荒○嬉○怠○惰○放○棄○學○生○之○責○任○吾○更○大○聲○而○呼○合○祝○吾○國○之○施○教○育○受○教○
 育○者○破○釜○沈○舟○臥○薪○嘗○膽○日○日○以○救○亡○國○亡○種○爲○宗○旨○以○愛○同○胞○合○羣○力○爲○精○神○以○
 輸○灌○新○道○德○新○智○識○爲○手○段○或○其○有○效○哉○或○其○有○效○哉○嗚○呼○吾○墨○有○盡○吾○淚○有○盡○吾○
 血○有○盡○吾○願○無○盡○吾○望○無○盡○吾○國○民○其○諦○聽○吾○國○民○其○諦○聽○



教

育



十

經 濟

普通經濟學

論慾望

慾望者經濟之母也。人生無慾望則塊然而生，寂然而死，無飢渴寒暑勞動之感，覺無飲食衣服宮室之需要，耳目不司其觀聽，口鼻不用其呼吸，血輪無恃以新陳代謝，再萬數千年地球仍頑動於空間，任日月之輝映，空氣之圍繞，處其上者不過多一種蠢然之動物耳。吾又安知不先各種動物被天演之理淘汰而無遺類也？夫各種動物亦非無慾望者。蜂之甘蜜，蛆之甘糞，燕雀處於堂隅，虎豹藏於山谷，飛潛之屬各尋所好以遂其生。降至植物之類，大都謂其有榮枯生死而無知識感觸矣。然葵之向日，柳之臨風，喜雨露而繁滋，惡霜雪而憔悴。學者窮思冥索，謂其吐養氣納炭氣，與人類吐炭氣納養氣相反。

生理學謂繞屋多植樹木於人身大益

豈得謂草木為無情之倫哉！大

抵有機之體皆含有慾動植諸物不能自給其慾故無發達進步之足言人類之靈於動物者倫理學者謂人獨具有良知良能動物學者列舉其身體之構造步行之狀態其他各異之點而自經濟學上觀之則人類之所以特異在其慾望之宏多而高尚保衛身家蕃衍種類胥賴於是夫飢思食而必求得其食渴思飲而必求得其飲是慾望之謂也求得之術則惟經濟之活動力務益己而不損人吾故謂慾望爲經濟之母也

顧同一人類也未開之野蠻與以數十錢即可嗾使殺其同種之一頭襁褓之小兒給之以乳與飴即可謂他人父母慾望之豐齋隨其智識之程度能力之區劃而生差別文明之慾望豐野蠻之慾望齋成人之慾望豐小兒之慾望齋能力智識爲因而慾望爲果慾望之豐齋爲因而風俗之奢儉爲果是豈矯揉造作者所能與力於其間哉乃東方儒者巧立一崇儉黜奢之名若惟恐斯民之不齷齪鄙陋刻谿瑣齋必引而返之於野蠻小兒之鄉黠者盲者胥從而和之土豪逞其兼併之術華貴恣其聚斂之才藏之士窖隱之外國之銀行累資巨萬貌類窮人米鹽凌雜雞豚詭諛

忍使隣里故舊流離餓殍轉斃溝壑必不出其銖積寸累之資爲濟因扶厄之舉甚至銀行公司路鑛船電大利大權之所在興一業足以活無量人增無量富終不敢輕爲冒險之一擲以爲吾儕小人苟得溫飽是亦足矣儉爲美德一語足使有者粟紅貫朽不知充其慾望無者泣飢號寒不能彌其慾望甚至開物成務利用前民勸材獎能通商惠工一切制度文爲經營區劃皆當廢絕不數十百年將有食槁壤飲黃泉居洞穴衣木皮醇風龐俗抱璞返眞再演盤古混沌之天地而人類絕滅之一日嗚乎學說之誤人可不爲之寒心哉

顧吾又非與奢侈者以口實也纏錦繡於乞丐之身策輕肥於寒畯之子都麗美好風流華貴非不足以眩耀他人怡悅性情也卒之無智識無能力之慾望病在個人則亡其身喪其家習爲風俗染於社會則滅其國殲其種羅馬帝國之季世晉之中國葉隋之末路皆適例之前鑒也夫依原則而增加之慾望適足表暴其開化之程度如春樹之華愈燦爛愈見其培植之厚不依原則而增加之慾望無程度之可言如膏盡之燭乍燃即熄吾人觀世之法勿徒見外象而戚戚然憂色色然喜矣亦惟即

果以○求○因○耳。故慾望之增加。於社會上有最可憂者。惟以下數端。

第一 肉體上之慾望。日見增加。精神上之慾望。獨少進步。如學術技藝道德慈善等人心日趨腐敗之途。

第二 各種之慾望。與經濟上之事情。毫無關係。突然發達。母財日少。一般經濟。反因之而沈滯。

第三 慾望增加。而衆人之勞動力。思想力。早已衰歇。國民無進取活潑之氣象。

第四 驟然得異國之財。如賠兵費借外債引起一般物價之騰貴。而已國商工業。仍

然不振。日本甲午之後。幾不免於是。

第五 倣外人之奢侈。如鄉人之學步都人士。日借外債。以塞其慾壑。於己國實業。及一切興利之源。概不留意。埃及以是亡其國

案吾國素以勤儉見稱。此非吾國民之性情獨異人也。亦非古昔先哲之流澤。如是其孔長也。蓋人口增加之率。與開化之率。遠不相孚。小民動苦於得食之。

艱難耳。今之艱難百倍於昔。而洋品洋藥之輸入。每歲加額入三家之村。無不有洋品之小販。而宮庭宴客。一日動逾萬金。省疆大吏。洋樓馬路。增妍闢靡。本誌第三號 閩中旅行記。務求外人之歡心。其自奉。又不知奢。至何等。以前五法觀之。已膽顫神寒。不敢計其後。日況復外債山積。金價日增。挾其媚外之技。倆不能易償金。以償銀。雖有管商湯劉。不知爲計矣。

夫慾望之關於社會國家。如是其切。則分類而條舉之。實經濟學之至要事也。德國羅霞就人生生活之緩急。別之爲三類。

第一 必要的慾望。如衣食住三者。全係天然不可缺之物。勿論如何人類。如何社會。皆不能超脫於此慾望之外。所謂得之則生。弗得則死也。

第二 應分的慾望。因吾人地位身世。而異往來交遊。必維持應分之需用。所謂冠蓋之場。無衣敗絮。布衣之士。惟食菜根也。

第三 奢侈的慾望。無保衛身家地位之必要。不準於智識能力。苟然求愉快於一朝。即前所謂策輕肥於寒畯之子。纏綿繡於乞丐之身也。

顧氏之分類。一見雖似易明。然三者之界線。模稜曖昧。實不能劃然定其範圍。試一以實例證之。乞兒裸身露宿。殘羹一盂。歡度終日。易一小康之子。處之不崇朝而斃矣。美之僱工。其自奉厚於吾國之士夫。鄙儒聞之。必大譁以爲不經矣。且日用千金者。俗以爲奢矣。使入而萬金焉。則已非奢。使有日用萬金者焉。則更非奢。是知慾望之異。因乎己。因乎人。因乎社會。因乎國家。因乎時勢。在此爲應分者。在彼轉爲必要。在彼爲必要者。在此或爲奢侈。三者無天然之區限。而吾人之附不能確定者也。日本學者金井延氏以是爲經濟學開章第一之難問題。遂終不下一確切之分類。田島錦治氏折衷羅氏之說。別之爲二類。

第一 生存的慾望。分爲必要的。即羅氏必要的慾望。及關係的。謂與社會國家相關係。而必不可缺者。即羅氏之應分的是也。

第二 文化的慾望。亦分二種。(一)肉體的慾望。一切物質關於吾人生活之程度。務使其高尚繁雜。(二)精神的慾望。超脫物界。或舍生而取義。或好善而樂施。皆此慾望所統治也。

夫是皆就個人之慾望言之。若合個人而爲共通之慾望。則有社會之慾望。如一羣之中。無不欲秩序安寧。不平胥泯者。又有國家之慾望。英之汲汲謀世界上之利權。俄之汲汲圖南下美之由們羅主義變爲帝國主義。若是者。雖時有奸雄鬼傑。左右其間。要不過見於機先。實則皆國家之慾望。而非奸雄鬼傑一二人之慾望也。夫伴慾望而發達者。誠不免模決放肆之弊。如近世學理日明。易人力以機械。縮萬里於咫尺。才智之士。手腕所至。富至無數。字以記之。一切中人之資。皆降至於最下勞工之級。吞併之禍。誠可危懼。故經濟學。時時賴社會學。道德學。倫理學。以維持之。至於國家。則惟恐其慾望之不橫決放恣也。英之滅印度。俄之分波蘭。其慘無復人理。近日美之欺騙菲律賓。始而與之立約。允爲助援。終乃奪其土地。屠其人民。囚其愛國之志士。其計之巧。心之毒。手之辣。誠地球萬國公理之所不容。而美故明目張膽。爲之。雖有一二持正理以攻擊之者。而阿諛奉頌辭者。且不旋踵而至。蓋強者之權。已爲學理所公認。後日大未來之黃金世界。或有大力者。平各國國際之不平。而在今日。則固無如是之人。如是之法。以審判之。豫防之矣。吾人生當今世。求免爲各國所

經 濟

吞○併○毋○言○寡○慾○也○苟○進○於○文○化○的○惟○患○其○不○多○耳○毋○言○窒○慾○也○苟○知○有○國○家○惟○患○其○不○通○耳○蓋○慾○望○者○非○古○聖○賢○私○慾○之○謂○而○有○生○俱○來○介○在○性○與○情○之○間○爲○經○濟○原○始○之○要○件○所○必○不○可○忽○者○

八



實業(工學)

第三章 電氣感應

第一節 感應電氣

取陽電體與一導體相近。則其導體內平和兩性之電氣。受此電氣之作用。陰則近之。陽則遠之。故導體內之電氣於是分離。陰則聚集附近於陽電體。陽則反是。相集於陰電體之傍。若初以陰電體用而代陽電體。其現象雖與前同。呈而導體內電氣分離之方向。正與之反對也。如此以電氣之作用。引起他導體之內電氣者。謂為電氣之感應。即導體因感應而發電者也。此電氣謂之感應電氣。導體則謂之感應體。感應電氣因導體內平和電氣兩性分離而生。陰陽之量勢必相等。故與以感應之電體。使之不相連續。或使其電而失之他。則感應忽止。分離兩性之電直相集合。而感應體可復其初也。若反對而行之。電體之電氣。次第加強。則感應亦隨之而強。電

體與感應體相近之際。則陰陽電氣。兩強相對。故亦呈強大之電動力焉。因之兩體距離。若近達於或度。則此電動力。遂破不導體之空氣。放激烈之火花。而相交焉。又或感應存在之間。自初即以導線連接感應體於地。則與電體之電氣同名者。皆散逸大地。祇異名之電。殘留於感應體間耳。於是感應體與地絕緣。則導體僅存異性之電。斯時雖與電體遠離而已。成爲一獨立電體。無由復其初也。此感應之現象。亦無由起於不導體也。但此不導體之內。電氣流通。不克自在。雖因感應有相離之傾向。遂不得而實行。由是以觀。與接觸電氣。殆相似矣。

第二節 雷電

感應電氣最顯著者。爲雷電。當夫夏日空氣。冷熱變化劇烈之時。而空間飛騰之雲。有起多量陰電或陽電者。存於其中。此雲無關電之陰陽。與之接近者。即與以感應。兩者之距離愈近。而發生之電動力愈強。遂破其間之空氣。而彩色之火花。飛見空中矣。此爲電光。若空氣破裂之際。發之而成聲者。雷鳴是也。中國人多不知此。動驚爲神異者。何其惑焉。又帶電之雲。近於大地。而與以感應之時。其附近之山川動物。

植物等。萎不因此之故。而電氣爲之發生。至時稱爲龍卷者。無非雲中之電。吸河海之水而上之者矣。若積電之極。破其空氣之絕緣力。雲與地之間。有火花爲之相接者。此落雷之現象也。故如煙筒高懸之物。必豫置一避雷針。以爲之防。使感應電氣之生。上下得以交通。不至達於積電之極。即有落雷之時。此避雷針引火花而靜達於地。人物不至受其害也。然則動物因落雷而致死。屋宇因落雷而被毀。亦事之所有。無足怪也。彼目爲報施譴責者。可恍然若失矣。

第四章 電氣之波動

第一節 電波

電氣流動導體之內。儼如水之流行管內者。已畧言之矣。但水於流行之外。波浪亦足以達其勢力也。如靜平水面。以石投之。則水因此激動而起波紋。擴進四方。而水面浮游物體。遂隨之搖蕩焉。如此水因波浪。雖傳達其動力。然於此際。決不至流動爲也。同之電氣。亦於電流之外。有電氣之波動。其遠達勢力。有如水波之作用也已。如起雷電之感應電氣。強積陰陽二電。若行路抵抗甚少。在急劇交通之際。此謂爲

擺動放電而生一種特別之電流。其電流周圍。又生波動。此波動進而擴之於空間種種方向。若與金屬之導體相遇。被其遮斷。而導體內電動力因之而生。然如玻璃之不導體。則不然。電波絕不受其影響。將透此而進行之。故導體及不導體。有若隨電流電波爲轉變者矣。

電波之運動。其現象雖非可得而見之。然如太陽之光。一秒時有八萬餘里之速度。進行於一直線。其反射曲折之作用。亦與太陽同呈。蓋電波須就依的兒 *ether* 之振動以說明之。依的兒 *ether* 者何。填充宇宙間空隙一種之氣體。因擺動放電。振動而生波者也。波動之種類殊多。物理學上。總稱曰光。太陽之光線。僅此光之一種。近時學者汲汲研究之。線亦然。而此等之光各呈其異者。因振幅有大小。波有長短。也要之。發動原於電流一也。

第二節 電氣之應流

大凡物體有導體不導體之別。就對一種之光言之。導體謂之透明體。不導體謂之非透明體。電波雖無現象。可以目視。然爲非透明體。即與金屬體相遇之時。如前所

言。波動被其遮斷。而金屬體內。電動力即因以生。然此電動力。常與擺動放電之電動力。爲之照應。其結果有如影之隨形。音之應響。不期而致者也。因之金屬之直截面。受其波動。則相應於擺動放電之火花。而此直截面。遂亦發現其火花。此謂之電氣之應流。

第五章 電氣與化學的作用

第一節 電池

接觸電氣。與以摩擦力。則生強電。前章已敘及之矣。同之接觸之間。加以化學變化之力。其電動力。亦得而增大也。即化學的作用。使生於二個異種導體間。而以導線接續。其他兩端。則電流忽起於一定之方向焉。此電流之絕續。視化學的變化以爲之歸。化學變化不止。則電流亦源源不窮也。發生電流之器。名曰電池。皆本諸此理耳。

今舉最簡之電池。以明其一例。陶器或玻璃之瓶。先以稀硫酸盛之。復取亞鉛與木炭之棒。並立於液中。則此二棒之間。電動力發生。因即以導線。連結二棒出於液外

之端。則瓶中起化學的變化。而亞鉛漸與硫酸化合。成硫酸亞鉛。其時導線中電流之通行。可實驗而知之也。就亞鉛與木炭之爲用言之。一發生化學變化於瓶內。一導出電流於液外。謂之電池之兩極。出電流之端。稱爲陽極。入電流之端。稱爲陰極。由是言之。亞鉛爲陽極。木炭則爲陰極也。此電池因亞鉛與硫酸次第化合。硫酸之液漸弱。而其電動力亦漸微。卒至硫酸盡。變化於硫酸亞鉛之時。則化學之作用止。而電動力遂等於零焉。其他因種種妨礙。爲補救計。電池之種類殊多。



實業(商學)

國際商業政策

近世紀中言經濟者尙在國民經濟時代而不能遽進於世界經濟時代者亦人羣進化之程度有以限之者然也夫曰國民經濟則是以國爲界以爲其研究之目的凡國以外之經濟團體有與吾國相競爭相抵制者即不得不求其所以對峙之方而謀其所以自衛之具雖然今日進化之國民其所謂國民經濟者必非孤立的國民經濟而世界的國民經濟也聚無數國民爲無數經濟團體相競爭相抵制而後可以圖國民經濟之成立而後可以助國民經濟之發達於是國與國相處其國際間之關係遂日形其紛紜錯雜而不可以紀極此國際商業所由來也

國際商業者對乎國內商業而言之者也凡國內商業爲一種族與一種族之交易勝則一種族受一種族之福敗則一種族受一種族之禍國際商業爲一種族與他

種。族。之。交。易。勝。則。一。種。族。受。他。種。族。之。福。敗。則。一。種。族。受。他。種。族。之。禍。夫。一。種。族。與。一。種。族。之。勝。敗。勝。固。吾。種。族。也。敗。亦。吾。種。族。也。其。關。係。尤。小。一。種。族。與。他。種。族。之。勝。敗。勝。則。吾。種。族。盛。而。強。也。敗。則。吾。種。族。衰。而。弱。也。其。影。響。絕。大。以。殺。戮。同。種。為。恥。者。歐。人。之。於。兵。戰。則。然。也。其。於。商。戰。亦。何。莫。不。然。哉。國。際。商。業。政。策。者。文。明。種。族。和。平。排。外。之。手。段。也。而。出。之。以。經。濟。的。利。己。心。與。其。公。共。心。故。由。國。民。經。濟。而。實。具。有。世。界。經。濟。之。關。係。焉。自。古。以。來。經。濟。大。家。焦。心。積。慮。研。究。此。政。策。者。其。結。果。得。二。大。學。說。一。曰。自。由。主。義。一。曰。保。護。主。義。此。後。支。分。派。別。愈。演。愈。多。學。說。益。大。明。於。世。而。政。策。以。固。試。列。舉。而。論。定。之。

(第一) 自由貿易派

(甲) 絕對的自由貿易派

此所謂蠻且斯達 (Manchester) 黨派是也。其主唱者為英國有名之哥布顛 (Cobden) 布雷特 (Bright) 二氏。千八百三十八年。二氏組織此黨。以自由貿易為綱領。先欲於英國廢止穀法條令。至千八百四十六年。卒得貫徹。其目的。世所稱為非穀

法同盟 (Anti corn Law League) 是也。自由貿易之實行益以促英國工業之進步而立其富強之基礎。凡關於自由放任之經濟學說以英國為中心點而後乃傳播於諸國。故世稱英國經濟學派亦曰蠻且斯達學派。斯派中之學說以為國際貿易甚無取乎國家之干涉必加之保護反以促興乎國家不急之產業其結局必不足以為人民之利益。若取絕對的自由主義打通一切國際之界限以發達人民自由競爭之心宇內各國悉納之於一經濟團體之下而天下可以無事矣。德之浦林師斯密斯 (Trencevine Smith) 福俄且爾 (Fancher) 別密爾 (of Baehner) 威斯 (Wirth) 索特別爾 (Soetbeer) 諸氏皆屬於此學派中。

(乙) 制限的自由貿易派

此學派之主義亦主張自由貿易者。但於例外適要之時亦往往唱保護之說以為制限計。故曰制限的自由貿易派。彼如亞丹斯密斯者 (Adam Smith) 闡明自由貿易學說之大家也。而如下所舉當萬不容已之時亦仍以保護政策為當。一當國防上有關係之時。

二當國內貨物所課之稅重於外國輸入貨物之時（當此之時則不得不課輸入稅使外國貨物與內國貨物同一負擔以保護國內之產業）

三當我之貨物輸入於外國而受其制限之時（當此之時若設復讎之關稅使外國解其制限則不得不課稅）

斯密氏而外彌爾氏（J. S. Mill）亦主張制限之說者氏之言曰凡適宜於一國國情之產業欲求其發達則不得不於外來之侵略者而課其保護稅其產業發達尙在幼稚時代者尤不得不然此其學說保護之意寓於制限之中蓋幾幾乎與保護主義相近云

（第二）保護貿易派

（甲）時期

保護之時期分一時與永久二者主張一時保護之說者當時南德意志興起產業非藉保護之力幾無發達之望故使此學派勃興於世此學派中之最著名者爲利斯特氏（Friedrich List）氏於德之興起產業持一時保護之說而尤以爲發達既

遂。之。後。即。當。養。國。民。獨。立。自。由。之。精。神。去。其。倚。賴。心。而。厚。其。競。爭。力。蓋。由。保。護。主。義。而。進。於。自。由。主。義。之。政。策。也。然。亦。有。倡。永。久。保。護。之。說。者。特。其。說。不。甚。行。於。世。

(乙)目的

(a)重商主義 執此主義者以爲一國之富專在金銀故輸出金額務使常過於輸入金額其差數即可以外國之金銀增加己國之富力是於外國輸入品課其重稅甚且禁其輸入此其說之謬謬弊在視金銀過重而於國際交易凡輸出必不能永久超過於輸入之理概付之不問亦不思之甚也

(b)交換主義 即溫和保護主義屬於自由貿易派亦無不可其大旨以爲自由貿易政策者必世界各國通行之而後其利益乃見若但行之於一國則利未形而害先著矣故當以交換手段出之他國於我之輸出品而課其稅者則其輸入品即我之課稅交換物也

(c)因時主義 此主義亦德之宜斯特氏所主唱其說曰貿易政策必不可拘於一定不變之主義以自誤其一國之大計在未開之時代則以發達農業爲最初第一

手段務與世界先進國行自由無制限之貿易漸次取保護手段獎勵製造漁業航海及國際貿易等業使一國之富強程度達於極點而後乃歸於自由主義

(d) 普及主義 即合同保護主義此主義不偏於一二產業凡農工航海漁獵殖民地貿易等無不普及保護唱是說者以己國之物產應己國之需要爲主眼務使一切變故不得攪亂國內之經濟而使之失其和平執是政策近則足以供消費者之取給遠則足以當輸出者之競爭理想中之結果一似無一途蒙其損失也者美國經濟學派之泰斗格利氏 (T. C. Grey) 極主是說然自其實際上觀之出之以合同保護之政策竊恐保護夫國家不利之產業而於國家有益之產業反不無妨害其結果不至全國蒙其損失不止

(丙) 名目

保護政策中必有其目的物此目的物各派互有異同蓋產業不同即名目各異也重商主義之論者欲以金銀輸入己國以增殖己國之富交換主義之論者則欲促進一國之產出力交換主義中有欲求國之富強無如獎勵工業諸學說前略以爲富強之基此皆以主張保護

工業爲名目者故汲汲於獎勵製造品之輸出而厚料品之輸入也次則有以保護商業爲名目者在昔重商主義實行之時代特於輸出商業與以種種保護究之商人運輸貨物其望自由無阻也較甚於望保護國家必加之保護反近於干涉而足爲其自由之阻力說者以爲自由貿易之政策限商業保護之大政策也至若保護農業宜斯特氏及其他之保護論者謂不必別立名目國家但保護工業則農業必從之而興自可以間接而受其利近來農業保護之政策多見諸實行以保護農業之利益爲目的因之課輸入稅者往往有之又航海業及漁業之保護論者發源於英國苦羅威爾 (Gronwell) 時代二百五十年之間藉其航海條例 (Navigation Act) 保護商船近來歐洲各國無不採此主義定爲政策日本效之亦有航海造船獎勵法及遠洋漁業獎勵法以爲保護之政策

(丁) 方法

(a) 輸入品之課稅或禁止 保護國內之產業以此方法爲最通行然禁止外貨之輸入恐導內國人民遊惰之風且秘密輸入亦將防不勝防而國庫更失其巨大之

財源故。近今各國政策。概採課稅之方法。以爲常。蓋凡物品稅之於輸入之時。在消費物品者。固有直接之損失。而外則制限他國之輸入。內亦減少自國之輸出。論其損害。雖仍歸於彼此國民之負擔。然保護政策中。要以輸入課稅方法。惟能使國民負擔得其公平。且國庫亦因之獲莫大之收入焉。

(b) 輸出品之課稅或禁止。對付輸出品之手段。亦有課稅禁止二法。其禁止方法。同於輸入之理由。亦漸次廢改。近今採此方法者。殆鮮。課稅之法。大都只及於粗製品。食料品二者。蓋藉以使輸出者之減少。而國中物價庶以得其和平也。然亦有稅之過重。至足爲輸出之商生莫大阻力。而內國產業。卒亦被其影響者。則亦未爲得計。是何也。大凡一國之工業。稍進於盛大之域者。其原料品。無非混合列國之生產品。以充之。其不得不仰給於外貨之輸入也。固不待言。譬之業紡績者。必混用各種棉花。而後乃成適宜之紗。若徒沾沾以保護己國棉花爲事。而惟恐其輸出之過度。欲得他國之棉花而使用之。其可得乎。此則兩敗俱傷之策也。

(c) 輸出獎勵金。獎勵輸出商業。近來各國爭用補給方法。與以獎勵金。其他或假

以資本而不取其利息。或予以機械而不收其賃金。藉以振興產業。非無實效。特恐用之不當。而沾此澤惠者。不在老鍊精銳之大實業家。而在一二奸猾狡獪。巧於陳情者之手。反以樹實業家之敵。則其害亦不可不防也。

(d) 經過稅質證稅保稅倉庫制度。以上方法。皆行之於再輸出輸入之貨物。經過稅者。譬如同一貨物。由甲國經過乙國而運往丙國者。則乙國不課其輸出入稅。但課其經過稅。然行此方法。恐不無以經過為名。而詐偽輸入者。當此之時。特於稅關設特別監督。或將其貨物封存於稅關中。或予以執照。以利其通行。近今則取徵收質證稅方法。於其輸入之時。仍課輸入稅。及其再輸出也。則返之於原商。以便經過貿易。而無所阻滯焉。自十九世紀之初。英法二國設保稅倉庫制度。隸於稅關監督之下。各國以為便也。爭相仿行。經過稅及質證稅二者。其制遂廢。


(e) 加工再輸出品免稅制度。凡一切粗製品及半製品。暫時輸入吾國。俟加工精製之後。再行輸出者。其輸出入之際。均有免稅方法。法國哥爾別特 (Colbert) 內閣時代。已行此制度。其後雖輸出之貨物。與輸入時。已因加工而易其物。亦仍得邀此

商學

十

特、惠、此、制、度、之、行。雖、於、國、內、之、粗、製、品、及、半、製、品。不、免、稍、有、阻、滯。然、於、獎、勵、工、業、品、
 之、輸、出。則、固、保、護、政、策、中、所、最、有、勢、力、者、也。

(未完)



軍 事

軍事與國家之關係

世界有國家主權之國必有軍事主權之國今日之軍事爲國外殺異種之戰爭非國內殺同種之戰爭爲國民名譽之戰爭非一朝一姓一人之戰爭爲攻掠他國之戰爭非防禦一隅之戰爭用之獨立爲興國之第一義練其實力爲防國之最利器凡種々關係於國內外者如銅牆鐵壁如大風行舟武力灌注膨脹而出之政治上一切機關之布畫以軍事之炬眼炯々射定其位置社會上一般風俗之組織以軍事雄武之精神改良其資格故夫國家者國民之棋局也軍事者國民之棋子也國民者調和作用棋局與棋子之大運動家也好戰之國其國必貪戰福畏戰之國其國必受戰禍喜殺人者人崇拜其國戒殺人者人攘奪其國軍國民者製造一種喜戰好殺之性質之國民以安寧範圍其國家者也賤武右文之國其國永不得受威

軍事

令。國。家。與。保。護。國。民。之。權。利。故。有。數。千。年。文。明。最。古。之。邦。北。方。氈。酪。羯。靺。諸。族。得。恃。其。慍。悍。勇。敢。橫。行。大。陸。之。絕。技。馳。騁。而。破。壞。之。臣。妾。億。兆。號。令。中。夏。驅。吾。種。之。子。女。士。夫。爲。奴。隸。牛。馬。之。作。用。逐。水。草。而。遊。牧。之。是。其。當。年。軍。人。之。智。識。軍。人。之。功。用。軍。人。之。本。領。毫。無。國。家。二。字。嵌。入。腦。筋。中。故。吾。族。不。得。不。數。百。年。受。此。奇。禍。也。嗟。乎。其。國。無。國。民。之。戰。鬪。力。神。經。軟。痺。麻。木。不。仁。聞。聲。則。怯。望。氣。則。斃。持。之。不。能。防。其。陷。負。之。不。能。助。其。力。是。以。仇。仇。倪。倪。壺。漿。簞。食。迎。新。送。舊。莫。知。所。主。此。真。亡。國。之。現。象。矣。國。民。之。於。個。人。也。有。垂。涎。其。生。命。財。產。攘。臂。而。奪。之。者。彼。必。出。死。力。以。爭。保。全。恢。復。之。策。權。利。不。可。假。人。也。國。民。對。國。家。有。擔。任。其。死。生。禍。福。保。護。其。威。信。利。益。不。許。私。毫。權。利。溢。於。國。外。者。主。權。有。獨。尊。也。夫。同。室。之。人。鬪。族。長。得。而。判。決。之。國。人。有。紛。爭。司。法。得。而。裁。判。之。國。與。國。之。爭。議。起。則。無。最。上。無。限。之。權。力。大。施。其。審。斷。否。決。之。手段。兵。力。國。力。兩。方。鼎。峙。終。不。能。以。平。和。政。策。了。結。乃。各。出。其。威。力。以。扶。持。主。權。威。力。者。國。家。與。軍。事。之。間。溶。液。鼓。鑄。爲。國。民。建。自。尊。自。立。之。原。質。也。強。權。尙。焉。

今日列國兵家倡增兵之策曰「一國不增兵即不得保其國家與世界之平和」大

哉。兵。事。犧。牲。其。血。肉。生。命。之。軀。爲。國。家。作。城。壁。作。堡。衛。人。樂。生。而。我。樂。死。人。趨。甘。而。我。趨。苦。國。家。爲。重。體。軍。事。爲。巨。魄。出。其。至。仁。至。武。之。性。質。樹。尊。號。於。國。家。之。頂。點。也。天。下。可。恃。惟。鐵。與。血。凡。國。家。所。有。之。特。權。皆。軍。事。補。助。支。配。而。行。之。武。裝。彫。斂。之。國。其。國。號。夷。爲。被。征。服。者。之。資。格。雖。有。畢。斯。馬。克。無。所。用。其。外。交。手。段。雖。有。張。伯。倫。無。所。用。其。殖。民。政。策。雖。有。麥。荊。來。無。所。用。其。帝。國。主。義。凡。實。業。宗。教。諸。項。終。不。得。縱。橫。捭。闔。任。所。欲。爲。伸。爪。牙。於。他。人。種。之。國。戰。敗。之。國。應。作。奴。隸。茫。茫。中。夏。神。器。久。墟。誰。實。爲。之。誰。實。痛。之。善。爲。主。人。翁。者。寵。人。以。文。事。禍。人。家。國。者。勸。人。以。息。兵。縱。觀。近。世。挾。其。長。槍。大。戟。牧。哈。薩。克。馬。隊。南。下。醫。巫。閩。者。非。倡。萬。國。弭。兵。會。之。俄。羅。斯。乎。國。民。不。具。嗜。殺。人。精。神。吾。見。國。奴。民。奴。雖。數。萬。年。不。得。跳。出。奴。隸。圈。套。也。

國。家。與。軍。事。密。接。之。關。係。有。二。曰。天。然。之。關。係。曰。形。勢。之。關。係。天。然。者。無。形。之。要。素。也。形。勢。者。有。形。之。原。質。也。天。然。者。鎔。鑄。一。種。之。魂。魄。之。感。情。浸。淫。胚。胎。貫。以。國。家。尙。武。之。精。神。形。勢。者。製。造。一。團。健。鬪。之。氣。體。與。世。界。爭。文。明。勢。力。之。程。度。天。然。之。關。係。有。二。曰。種。族。之。觀。念。曰。英。雄。之。崇。拜。形。勢。之。關。係。有。二。曰。祖。國。之。實。力。曰。外。國。之。膨。

日耳曼人種受羅馬人種之蹂躪也。軍士憤激欲倡造一偉大雄橫之國家。乃作歌曰：洪吾民族之雄武兮，披森林而搥飛龍，誰爲日耳曼子孫之居游樂士兮？巴華利亞山北來，因河之東，曳藍縷而創建祖國兮。梟黑獍之強敵，懸朱葩於彤弓，殺異種人以報日耳曼同胞兮。無墜中原帝國之雄風，眼灼灼其墮，愛國淚兮。殪羅馬人種之拿破列翁。二云：日本國家作愛國之歌，以教軍人曰：三島雄立，太平洋大和民族生輝光，皇統一系四千歲，驅殺外寇如屠羊。元軍十萬不敢渡，活釋三人使歸航。遼東大捷，台灣入辮髮，賤奴及其頰，櫻花四月，江戶春枝々，點映大和魂。大和民族從軍，樂愛我國家，不愛身。二云：種族之觀念，若是其重乎？聞之種魂者，國民之結晶體也。國民者，捨死爲軍人，保存其國而對峙國家者也。種族之感召深，則數千年祖宗創造之國家外種人入而據其國，使認爲祖宗焉。此軍人飲血捶胸，不得去於心之事也。

譯著者曰：走塞外，崑崙入黃河，沿揚子江，過珠江之流域，漢山蒼々，漢水泱泱，提封四萬々，民族爾曾一思爾祖國，雄武祖先與禽獸戰，與異種人戰，造成此雄濶。

美。麗。東。西。萬。里。南。北。萬。里。之。山。河。遺。爾。孫。子。乎。爾。曾。過。爾。族。祖。先。與。異。種。人。血。戰。之。故。墟。彼。碧。草。凝。腥。白。楊。荒。語。皆。爾。祖。為。爾。族。爭。死。命。泣。告。爾。孫。子。其。保。吾。種。以。厚。予。乎。傷。哉。孫。子。爾。忍。棄。爾。有。名。譽。有。武。功。三。皇。五。帝。之。祖。先。謂。他。人。祖。謂。他。人。父。贊。美。龍。興。事。業。而。殺。爾。種。乎。不。肖。之。孫。子。爾。將。長。此。垂。首。俯。視。寄。人。羈。絆。之。下。乎。中。國。者。無。種。族。觀。念。之。國。民。也。異。種。人。命。之。殺。同。種。同。種。人。亦。命。之。殺。同。種。異。種。人。命。無。殺。爾。同。種。彼。必。欲。殺。之。以。媚。異。種。其。將。起。爾。始。祖。黃。帝。登。爾。族。起。原。之。崑。崙。山。頂。涕。泣。敬。告。爾。孫。子。曰。吾。種。之。孫。子。為。軍。人。者。保。衛。爾。國。家。無。殺。爾。同。種。皆。爾。數。千。年。來。之。父。兄。子。弟。爾。亦。不。忍。殺。也。

西。人。之。崇。拜。英。雄。也。繪。戰。蹟。而。標。武。勇。製。征。伐。詩。以。鑄。雄。魂。欲。其。國。民。敬。獻。贊。歎。彼。族。不。出。世。之。英。雄。為。模。範。為。標。本。使。彼。族。尚。武。之。光。艷。印。入。國。民。腦。界。而。不。能。去。也。於。軍。人。為。尤。甚。「翳。建。造。吾。自。由。生。產。國。兮。為。吾。始。祖。華。盛。頓。之。所。遺。流。赤。血。以。購。入。文。明。兮。如。慈。母。捨。身。之。育。幼。兒。戟。森。森。其。外。向。兮。無。墮。祖。風。毀。吾。自。由。國。之。藩。籬。」是。非。美。國。軍。人。之。愛。華。盛。頓。乎。「惟。吾。皇。祖。曰。大。彼。得。跨。歐。扼。亞。四。戰。立。國。驅。馬。哈。

默。德。之。子。孫。兮。爲。吾。斯。拉。布。人。種。之。特。色。此。非。俄。羅。斯。軍。人。之。愛。大。彼。得。乎。嗟。乎。入。美。利。堅。則。美。洲。者。美。人。之。美。洲。守。華。盛。頓。之。政。策。也。入。俄。羅。斯。則。俄。羅。斯。統。一。主。義。尊。大。彼。得。之。遺。訓。也。故。夫。入。其。國。不。聞。摹。倣。美。本。族。英。雄。之。軍。歌。其。民。族。必。爲。被。征。服。者。不。敢。尊。尙。本。族。人。物。以。自。炫。耀。英。雄。者。創。造。國。家。之。母。也。軍。人。者。其。母。所。留。遺。之。強。質。也。是。安。得。不。飲。英。雄。之。血。淚。而。活。吾。國。民。乎。

譯著者曰：吾中國數千年非無可歌可泣可舞可蹈爲吾軍人最崇敬最思慕之英雄也。始皇收河南胡人不敢南下而牧馬，武帝拓西北玉關萬里入漢版圖，他若衛青、霍去病、班超、桓溫、岳飛諸人皆捨身冒險，誓殺異種人，救吾族國家者，應若何頂禮膜拜爲吾軍人之種魂乎？祖宗之遺骨未灰，外族人竟逞其強馬彎弓列營墳首，其祖宗飲泣吞聲於地下，應亦欲嚙此不孝孫子之肉骨矣。願吾軍人見吾族英雄之肖像，振臂而呼曰：是吾祖國保種之良將也。見吾族英雄之戰史，歷指而嘆曰：是吾祖國忍死之哲人也。特鑄一絕大英雄於軍人心目，中國家乃有獨立之一日。

祖國之寔力者何凡國家所包育之文明科學政治工藝社會風俗一一與軍事精神相貫注者美國無論何學校皆用兵操全國制兵不踰十萬西班牙戰事起大學校生徒至農工商賈皆願赴古巴與西人一戰歐人評曰「美人一草一木外觀和藹內涵兵氣」宜今日直行其實業主義也德人全國皆兵其國家即一大兵學校其社會即軍事教育之組織其技藝學術皆軍人精神所鍛鍊法人史路氏曰「德人國家望之如火如荼成一團兵氣」宜今日直放其經濟政策也夫國民軍力國家養之養其剛忍之體質轉戰健鬪頭腦卓卓有稜角德意志森林人種之現象也養其雄渾之魄體根氣瀰漫人々治獨立之生活英美國民之勇器也處今日競爭之世無軍人實力爲國家之骨即使實業科學日見發達終陷腦滿腸肥之病永無英氣勃勃大風泱泱建日出日入國旗之雄圖者

進而言外國之膨脹英人之離母國也能用軍人魄力呼吸其國家如電氣傳達如旋風引舟遂挾區々自營自立之殖民商會一舉墟印度再舉構鴉片戰爭長驅入中國懿與鑠與何造此燦爛莊嚴大戰鬪力之英吉利雄吼於地球乎近日軍事之

膨脹有二。曰領土。曰殖民。英之於脫蘭斯。美之於菲律賓。日本之於臺灣。皆舉千萬國民擲頭顱積鮮血代其國家購得於槍林砲雨中者。軍旗所至。可案圖而索也。俄法德之於滿州廣州膠州。其軍人直受國家支配。陽行殖民之策。陰獲占領之用。是其母國根幹強堅。灌溉軍人之熱血枝葉。始獲茂密也。夫今日帝國實業帝國主義。膨脹主義也。利器相等。軍人教育相等。不得不各出內力角逐東西洋之鹿。彼奄奄病夫。是可取而代無勞用全力以搏疲鬼耳。

以上四者。皆國家與軍事間無形的精神有形的體氣之關係。至若各國軍隊之制度。與該國家之關係。強點弱質。可為比較。

(一) 德意志

其國軍事分為二項。曰國防用兵。曰軍政事務。陸軍大臣之責任。惟德意志帝國界限最明。僅有軍政事務一節。是該帝國之歷史使然矣。

德意志陸軍。由各邦之陸軍結合組織而成。依其帝國憲法六十三條。則軍令之權屬於德意志皇帝。獨巴里威於平時軍令。歸其國王自行發布。其他軍制職權（用人）

等事) 依然屬於各邦政府其第六十三條第五項之文曰。

德意志陸軍于各部隊之行政給養武裝準備不可缺統一權今欲保維其統一。

凡普魯西陸軍發布之制令皆移知于聯合軍司令官使各邦遵其制令以為模

範。聯邦會議之時有軍政委員而以普魯西陸軍大臣為其長司一切軍政事務。

由是觀之軍隊之行政給養武裝欲保維其統一故以普魯西陸軍制令為模範其

軍制又分為二項德意志帝國僅有國防用兵之權無軍政之機關各邦除巴威里亦僅

有軍政事務之制度無軍令之權力。德意志帝國海軍與陸軍異其初獨普魯西有海軍他邦皆無故普魯西將海軍移歸帝國之時其號令與

軍政之權皆屬于德意志皇帝其憲法第五十三條之明文海軍官衙在德意志帝國各邦無之。

德意志陸軍發布其國防用兵號令與軍政事務之權因帝國與各邦有分割之事

故憲法將此兩權分書明晰以防各邦政府妄生爭議然明晰之中亦含有混交事

務則強以皇帛之號令而附屬之試列于左。

(一) 人事 (A) 聯合兵(各國之軍隊各一聯合兵) 之至高指揮官二聯合兵以上大部隊指揮

之將校及要塞司令官皆歸德意志皇帝親任。(B) 聯合兵部內之將校補任等

事亦得經德意志皇帝認可。

(二) 檢閱。

(三) 帝國總聯合兵之現役兵數。及連合分配之權。但常備兵員之數。必依平時議定兵員之數。

(四) 團隊配置。皇帝有屯聯合兵于本國以外之權利。然特別軍事之條約。則不得依此例。

(五) 動員(戰時之人員)之計畫。皇帝有命某部分出師準備之權。及豫備、後備、國民軍、召集之權。蓋皇帝既有此權力。故國防用兵之號令。專屬於德意志皇帝。

(六) 戒嚴宣告。各邦皆有國政事務之權。然欲其統一。故亦歸德意志皇帝宣告。如左數條。於國防用兵事務有關者。亦屬於國政之事務。故分別判明。而屬於皇帝號令之中。則無所謂混交事務也。

德意志皇帝。帝國軍隊之統帥也。國防用兵之號令。不經其帝國宰相之手。故帝國宰相無其責任。即彼此事務有關者。雖與憲法法律相違。而於實際上。亦毫無責任。

蓋定此憲法。于一千八百七十一年。乘戰勝之餘。威結合。各聯邦陸軍。成此帝國陸軍。故最高等指揮之權利。專屬於德意志帝國之皇帝。若無此歷史之國。決不能摸倣其一二。

譯著者曰。日耳曼民族。跳舞出森林。與蹂躪。天下之羅馬人。種十摩。十盪。十戰。十決。奮臂一呼。爲獨立自由之日耳曼子孫。掃除蠻族。舊習。樹聯邦國于歐洲。大平原中心。點降及近世。率其血脈一統之國民子弟。血戰于師丹。遂成世界獨一無二之大帝國。上日耳曼大皇帝。尊號於德意志也。其伯叔子姪。喜吾族有轟々烈々。製造日耳曼之大英雄之父兄。金冠錦段。冠其頂。鐵馬長槍。授以柄。使厯壯吾文明國旗於來因河。波羅的海。四境外也。世界無日耳曼同種共立之國家。之歷史。決不能授軍事大權于君主日耳曼者。尤例外之例耳。

(二) 法蘭西

其國軍隊。當王政時代。依其編制。行動獨立於國家之外。革命後。拿破翁猶不改此制度。現今法制事實獨立。不認法律。一千八百七十五年二月之公權編制法。第三

條中「大統領軍務歸其處置」蓋欲避統率之字也。至于軍隊行動獨立之權及指揮軍隊之事，大統領亦無特權。沙雞羅、法國憲法論行云無一言論及大統領之權力。大統領依此條例，軍隊命令與國務上命令毫無區別，惟依憲法設陸海軍大臣各一名，與國務大臣同列。然陸海軍兩大臣不僅有軍政之權及國防用兵之行動，並代大統領對於議會獨負責任。

法蘭西軍隊事實獨立，雖不能拘定。然大統領之官房有二：曰文事官房，曰軍事官房。軍事官房者，以軍人組織而成，皆用軍服，本尊大統領，則衣常服。惟軍事演習時，陸海軍兩大臣代行號令，故陸海軍兩大臣必由軍人。因陸海軍兩大臣為部下將校之長，故也。至「補蘭蹠」事件以來，常用文官為陸軍大臣者，終不免小有衝突耳。法蘭西軍隊獨立于國家以外，其軍隊行動無參謀本部為之機關，而直隸于大統領之下。故軍政與國防均歸陸海軍兩大臣管轄。其陸軍省之組織，大臣官房、會計局之外，曰參謀部、曰軍政部、參謀部者管理軍隊之編制、動員之籌畫，維持其常備兵員之定數及作戰計畫、指揮等事。軍政部者分置步兵課、砲兵課、騎兵課、工兵課。

監督課。火藥及硝石課。軍醫課。其課長隸于陸軍大臣。而請命于大統領。然亦設數種專門委員。如戰術上。則從陸軍大臣之意見。更置軍事高等會議所。以專門老練之將校組織而成。此至高參謀計畫所從出也。

譯著者曰。法蘭西人最好騷動之國民也。自拿破列翁席捲全歐。國民尙武之態度躍々。有生氣不待國家之獎勵。社會之刑賞。自然習成風俗。其大革命事業。斷毒民賊。民者之頭。顧顯獨立。羈鑄造自由之真面目。光耀地球矣。法蘭西之軍人。最有功于世界之軍人也。喜助人獨立。使食自由福。如義大利。如美利堅。今日造出之華嚴金碧世界。何一非法蘭西軍人仁之者乎。其國民有戰鬪之能力。有愛國之熱心。是不必集權于大統領爲號令天下之用也。彼專制立憲之君主。日々謀總司軍政大元帥之權。以威令國民爲之軍人者。亦軍奴耳。

(三)美利堅

美無固有軍隊。獨立之戰爭起。國民事畢歸田。認定共和政體。軍隊不能獨立行動于國家以外。故文武權限。無甚分別。其憲法第二章第二條曰。美國陸海兩軍。統

率各州之民服此義務。是大統領以文權而兼陸海兩軍也。

平時僅以三萬人防印度人叛。編制之法。教練之方。無大佳善。雖屬文權之大弊竇。然有美西戰事以來。竟乘帝國主義之風潮。橫伸隻手。雄飛太平洋。大西洋之海面。是又平時學校兵式教練之故。不足爲文權病也。

譯著者曰。美利堅人。人人有軍人之資格。自小學而入大學。體操教練。兵法教練。日日在軍事教育之中。一學校即一小軍隊也。合全國學校即一大軍隊也。美人即使一兵不設。一卒不備。尙武活潑之神髓。已洋溢于桑港。以東紐約以西。況有近年。膨脹陸海軍之組織。乎宜其左提古巴。右挈菲律賓。賓爲懷中之孺子也。昔李廣不事紀律。戰無不勝。美利堅大國民。真有自然軍紀。自然軍力。自然軍政之能性矣。

未完



歷 史

中國民族主義第一人山飛傳

發端

中國四千年來善與異種戰爭之國也。非中國人種侵掠北方則北方人種破壞中國。一時英雄豪傑起良家子。挾弓矢入胡殺賊。其希望類皆馬上封萬戶侯。腰纏金印。大如斗。小亦不失爲雁門上郡太守。一旦大雪迷道。矢盡力窮。身爲降虜。空對漢月。唏噓而已。故數千年有種族上戰爭之國勢。而無種族上戰爭之人物。西人論漢史每病之曰：「中國者無民族觀念之英雄也。間有一二如燭火如曉星之大豪傑。出不過畧他人地以增私產。非有征服異種人之心也。」嗟乎。爭金牛之憲法。碧血橫飛。建羅馬之國旗。黑山爆裂。豈以東亞大陸或一統或分立。莽々龍爭虎鬪之歷史。獨無一人嗜殺異種如命爲吾漢種人放一綫光耀之特色者乎。吾族無是人掩

卷環走而悲之吾族有是人吾世々子孫頂禮膜拜詩歌贊美而尸祝之。近世溯民族主義者多探源於十七世紀和蘭民族相距四五百年前豈知吾中國有轟々烈々手刃外種口嚼外種足踢外種至死不變宗尙民族主義之一絕大偉人處外患極多極久極烈之南宋時代能使羯酪腥羶遍地之小醜跪首仰呼曰爺爺曰岳爺爺以至於今吾中國黃髮垂髫幼婦孺子商賈走卒之倫街談巷議圍爐坐話數前代遺事曰爺々岳爺々爺爺殺鞑子岳爺々殺鞑子續靈歌々亘千百年尙留神奇怪誕之逸聞剛結浸淫于後人腦界惜乎無發明其主義布告吾國民者此何人此何人卽二十四次金牌詔回莫須有三字殺死之岳忠武王飛出杭城展岳王墓所謂一年々簫鼓岳王墳一者父老傳聞墓樹枝葉無北向森林凜凜有殺異種氣散之墓之讀宋史至黃龍一杯酒痛飲不得吾又將妬岳王悲岳王妬其忠于人不忠于國忠于君主不忠於民族忍棄吾種以死也悲其悞認精忠報國四字不得達厥志也而勿妬而勿悲當時道學重君父邪說橫行英雄跳入圈中亦貪流毒忠君二字扼吾民族發達之機也一殺吾君者吾仇也殺吾仇者吾

君也。君猶父也。臣猶子也。子必孝父。臣必忠君。一靦顏拜跪。教事異種。岳王岳王。知忠君之禍。否。雖然。爲中國死。爲民族死。而不得死。而卒以讒死。心亦苦矣。岳王獄中之書曰。吾死恨不能殺胡虜。以報河北遺民。岳王民族思想冠絕一世。有不能爲忠君二字掩者。有不能以成敗論者。

天不弔吾民族。死吾岳王。岳王死。吾民族死。何以故。南渡以前。塞外人種之侵畧中原者。吾民族尙保有江表一綫。與彼族成敵國。桓溫北伐。謝玄淝水大可爲吾民族生色。岳王不得乘朱仙鎮之捷。收復兩河。直取燕雲。從此胡禍蔓延。中國釀成胡元大一統。運命漢人。南人永爲被征服者之民族。無一噍類。岳王一人爲全局存亡之重點。岳王死後。世民族戰爭上之孤臣志士。熱血精。心皆印一岳王神影。史忠正揚州之圍曰。余死可以謁先帝諸陵。可以拜岳忠武墳墓。一鄭成功由臺灣內征。曰。一男兒當如岳武穆。殺胡奴。使跪呼爺。嗟乎。岳王雖死而不死。吾民族竟死而岳王亦死。今日者。民族主義之風潮。日々激刺於吾國民腦中。岳王靈魂亦逐磅礪萬丈之浩氣。撥妖霧。造青天。再蘇生于二十世紀中國民族之腦。故敬禮崇拜世界

民族主義之巨人先宜敬禮崇拜中國數千年民族主義之第一人爲種魂爲國魂爲中國民族之天神

噶蘇士卜居義大利山中目見匈牙利民族雙立政府之成立三傑再造義大利生享羅馬人種之幸福寧耳遜奮身海戰獨表盎格魯民族之武力嗟予岳王其死也漢父老哭之金囚長酌酒賀之世界英雄因排異種而身世俱泰獨岳王因排異種而身受奇禍世界英雄排異種死而功成獨岳王排異種死而南宋江山餘半壁而亡余病岳王恨不矯詔而血刃阿骨打之首也余不病岳王轉哀吾民種哀吾民種媚異族殺同族如許衡張宏範之流比々皆是有一岳王復有數千百萬之許衡張宏範岳王肝膽雖塗地其奈之何嗟々夢如龍之車馬汴城之胡騎紛來想二聖之音容延福之宮人腸斷岳王當年吾不知若何嚼血刺臂民族觀念發達于無上上層彼文天祥張世傑史可法何騰蛟鄭成功諸人又食岳王遺傳之幸福者故曰中國爲與外族戰爭之老大國岳王爲與外族戰爭之第一人世界尙民族主義排異種之英雄皆降生于岳王後數百年而岳王爲先進中國民族主義第一人之金冠

不。得。不。敬。上。岳。王。

噫。世。界。民。族。的。國。家。民。族。的。歷。史。必。有。一。絕。大。民。族。的。人。物。爲。本。族。莊。嚴。金。碧。深。入。人。心。之。標。準。俄。之。大。彼。得。法。之。拿。破。崙。日。本。之。豐。臣。秀。吉。誠。一。族。之。英。雄。哉。非。民。族。的。國。家。征。服。統。一。的。民。族。不。敢。有。此。中。原。豪。傑。之。士。有。敢。以。岳。忠。武。飛。爲。本。族。第。一。人。者。乎。盍。來。一。讀。此。傳。

(未完)



史

記

03

糖

史



六

小說

日中露譯稿 續第二期

第三回 抱不平經足女逃生 求救急喪膽人錯認

弁 汽機鼓動鐵輪車 海上旌旗識漢家

句 到眼春光竟如許 老櫻不是故園花

話說膽吹助之介隨父親到了牛莊地方。租着清國姓張的房屋居住。打算買些大豆。販回日本。初到的時候。也曾走到街上去看一看。却是狠冷清的。不大熱鬧。父子兩個。感慨一番。尋着同鄉。住在這裡的。也不過十來人。過了幾天。恰遇着標羅費司克和張家的事。這標羅費司克本是露國的工人。因為脩遼東的鐵路。做了工頭。弄了一宗錢財。心想清國東三省業已入了我露國的掌握。將來怕不是我露國的殖民地。何必不趁此時。就在這裡立個基業。照地球上各國的法律講呢。這本國的地

上權是不准他國的人占有的。好在清國沒有變法。房產田地是儘外國人買的。還要占些便宜。所以就狠行虎視的硬買硬占清國的官民也奈何他不得。只有日本人膽次助之介。看着不服。要想做個路見不平。又愁着孤掌難鳴。所以發了突飛社的一封信。却不見有回信來。每日思念着。時時打聽有無日本的船到。一日聽說飛龍丸明天到岸。十分歡喜。猜着這回必有信來。一夜不曾睡穩。天纔亮就起了身。獨自一人冒着霧的跑到碼頭邊一望。只見雲水連天。蒼茫無際。一輪旭日漸々從東方出來。映着波浪一高一低的光芒閃爍。真是好看。膽吹望了一會不見船到。方悟來的太早。無聊之極。又復信步踱到街市上來。市上寥々。還沒有個行人。正在徘徊。自己也不曉得到那裡去的好。猛然聽得鳴的一聲。却是汽笛嚮亮。忙道。呀。來了。回頭就跑。剛々從個巷子口經過。只聽得巷子里戰兢々帶着哭的聲音喚道。阿嚏々。可憐呀。饒了我呀。膽吹心中詫異。不覺脚步一停。向內一望。却原來是個十七八歲的支那女子。一邊喊。一邊沒命的往對面跑來。後面跟着個相貌凶惡的露國人。像流星趕月的一般。緊緊的追趕。轉眼出了巷子。追向前面去了。膽吹暗忖道。奇怪呀。

是爲甚麼事。前面的女子却不認識。後面趕的可不是標羅費司克的家人柯格魯嗎。這畜生爲何又欺起那女子來了呀。心裡這樣想時。眼睛却直跟着那兩人望了去。列位。懶想。支那女子是受了纏足的罪的。到了這急迫的時節。那裡還能殷逃得幾遠。囉。古來的戰場裡。女人遭的殃。也不必說就是前幾十年兵燹的時節。殺的跑不動的女人還少嗎。這回聯軍破北京。到底還是沒有纏足的死的少些呢。死了。倒也罷了。怕的是虜了去。死不得。逃不能。逃含羞忍辱。無廉喪恥。豈不是活造孽嗎。所以有女兒的。纏了足。就算送了他的性命。閑活休題。那女子既是纏了足。如何跪得贏。那如狼似虎的柯格魯呢。不到三分鐘的光景。看看逼近了身。那女子料想絕不脫。就將身子往地下一蹲。抖做一團。連哭帶說。悲悲切切。却聽不十分清白。那柯格魯一手將那女子脖子捉住。想扯回原路去。那女子伏在地下。越越的哀啼起來。將脖子頓了兩下。沒有頓脫。倒把柯格魯頓煩了。大呼如雷。舉起芭蕉扇樣的手掌。拍拍拍一連幾下。打在那女子臉上。頃刻口鼻鮮血直淋。膽吹看了不覺大怒。把那趕到船上去的念頭。氣到九霄雲外去了。登時兩條鐵腿。就似遇着了磁石的一

樣飛也似的趕到柯格魯的面前。不問短長。使盡平生的力氣。向着柯格魯胸前就是一拳。柯格魯方打得高興。忽見有人來打他。吃了一驚。猛然把手一放。向旁一閃。退了兩步。膽吹忙向那女子道。快走快走。那女子得了這個機會。不顧痛楚。扒起來。猶如出籠小鳥。向前奔去。柯格魯大呼一勢。那裡走。飛起一脚。想把那女子踢倒。膽吹急伸手一托。把他的腿振住。往上一掀。叫聲去罷。柯格魯站不住。向後倒去。跌了一個鵝子翻身。勃然大怒道。好小子。干備甚事。一面跳將起來。那女子早向路傍逃去了。柯格魯也不去趕。直奔膽吹。拳脚像兩點的打來。膽吹左躲右閃。要想問他的理由。却沒有說話的工夫。心裡轉一念道。我本爲救那女子而來。却喜已救着了。誰耐煩和他鬪打。不如去休。想罷。虛掩一下。回身就走。柯格魯氣得橫噴豹眼。掄着碗大的拳頭。向後追來。追了一箭多遠。劈面又研着個對頭。備道是誰。原來是標羅費司克的兒子乾達拉比克。柯格魯見了小主人。高叫道。請不要放走了這小畜生。乾達拉比克聽得不慌不忙。叉着兩手。在前站住。膽吹一想。不好。停了一停脚。正想尋條路走。柯格魯早已來到。從後面攔腰抱住。乾達拉比克走了攏來。在自己腰間摸出

一瓶嘔囉仿謨。來揭開盖子。向膽吹鼻上一橙。膽吹登時麻木不仁。不省人事。柯格魯順勢就將他放倒在地。說道小畜生也有今日。乾達拉比克道。莫忙。這小子我却認得。備且說和他因甚麼事爭鬪的。柯格魯聽得將一隻腳踏在膽吹肚子上。答道。綠蘭不守主人的命令。硬說他父母病重。清早私逃。剛說到這裡。只見前面轉灣處。有七八人忽々走來。內中有人道。前面有人了。我們可以問膽吹兄的住處。哪。乾達拉比克道。呀。這小子的朋友來了。我們且暫避一下。造化了他罷。說罷兩人向旁邊巷子裡一溜烟去了。却說源快藏等七人到了牛莊。收拾行李。上岸去尋膽吹。却還不知住處。領備着向大街去問。走了一會。還冷清清的。轉過灣來。遠望着有人。正說着去問。忽見兩人又轉灣去了。大波平介道。我我們快快走一步。趕趕着去問。衆人連忙向前。猛見地下睡着一人。不知何故。小劍忙走進身邊一看。叫道。啊。這不是膽吹兄嗎。怎麼的就蹲下身去喚道。膽吹兄。膽吹兄。將手向鼻子一探。呼吸還是好的。此時衆人都攏來喚的喚。扶的扶。只是不醒。像睡獅子一樣。大家都慌張起來。楠整道。呀。這必是先那兩人害的。看見我們來就逃了。小劍道。不錯不錯。我去尋那

兩人。源快藏道。尋也枉然。備沒眼見他害的。又認不清面貌。離了這個地方。他還肯受麼。小劍一聽。急的直挑。却是沒有法子。菊坂坐在地下。將膽吹扶起。叢在自己身上。慢慢的撫摩。說道。不大碍事。呼吸甚好。可在那個人家討點水來灌。一灌也。須問問原由。莫是此地有甚麼症候罷。原快藏聽說。就四下一望。只見前面有個板門的。人家開了一扇門。指着道。那家有人起來了。我去討點水來。說罷。來到門前。向裡一望。門內是個小小院落。隔着就是一間堂屋。一排隔櫺。開着中間的兩扇。上面糊的紙。却是破的。七零八落的。白而帶黑。裡面却也斜掛着幾片。脫了軸子的字畫。也歪靠着幾張。沒了櫛子的棹椅。棹上像還拉拉雜雜的排了些什物。快藏也不及細看。走入門來。便開口道。得罪。府上有人麼。一响不見答應。又高聲喊了一遍。纔聽得裡面哼了一聲。又咳嗽了兩聲。問道。是那個問罷。又連々嗽個不住。快藏剛要回答。忽聽屋後有婦人嚷道。死囚的還不見挑來。一會拿什麼煮飯呢。咳。這日子那樣過啊。青兒。青兒。一個孩子應了一聲。那婦人又道。快去公公那裡拿兩個錢買材。生火。順路喊張老三快挑水來。那孩子答應。和那咳嗽的咕嚕了幾句。只聽那孩子道。是那

個。是。那。個。一。路。嚷。的。跑。了。出。來。快。藏。一。看。不。過。六。七。歲。生。得。奇。瘦。嘴。上。一。道。黑。圈。兩。支。袖。子。裡。面。是。煙。筒。外。面。是。膏。藥。正。要。問。他。一。句。話。不。料。那。孩。子。見。是。個。穿。洋。服。的。把。眼。一。鈍。登。時。哭。將。起。來。回。頭。就。跑。大。聲。喊。道。呵。呀。洋。人。又。來。了。呀。洋。人。又。來。了。呀。一。會。裡。面。男。子。女。人。孩。子。的。聲。音。擾。做。一。團。弄。不。清。楚。快。藏。不。耐。煩。又。聽。得。像。是。沒。有。挑。水。快。々。的。走。了。出。來。迎。面。會。着。小。劍。問。道。備。討。一。點。水。爲。甚。麼。這。半。天。不。來。水。呢。快。藏。道。這。家。沒。有。水。再。去。問。別。家。討。罷。小。劍。道。怎。的。窮。得。水。都。沒。有。快。藏。道。不。要。管。他。我。兩。人。去。喚。那。家。的。門。去。走。到。一。個。土。壁。房。子。的。門。前。小。劍。舉。手。將。門。拍。了。兩。下。說。道。請。開。門。過。路。人。討。一。杯。清。水。啣。只。聽。一。個。老。婆。子。道。不。好。了。露。國。人。真。來。討。金。了。還。要。加。一。倍。呢。又。聽。一。男。子。道。啊。呀。爺。々。呀。我。家。連。雞。兒。狗。兒。都。進。上。了。那。裡。還。有。金。呀。二。人。聽。得。又。急。又。惱。小。劍。道。罷。了。罷。了。轉。去。罷。快。藏。還。要。再。述。一。編。只。見。咻。明。跑。來。說。道。快。去。快。去。膽。吹。兄。神。色。比。前。差。了。二。人。大。驚。忙。忙。轉。來。只。見。膽。吹。啞。的。嘶。了。一。聲。把。眼。向。上。一。翻。手。脚。一。伸。一。翻。身。打。了。過。去。伏。着。不。動。衆。人。駭。得。面。々。相。覷。正。是。

滿腔愁緒離人淚
小 說

一 縷游絲旅客魂



詞 藪

楚風集

渡美紀行詩

檀香山通信

楚人不好遠游。歐美二洲頗少。吾鄂人足跡今歲鄂中留學生入日本者漸臻。陸盛歐美之行猶無一人。過問亦語言文字限之也。因集通法文者三人留學於法蘭西。比利時。通英文者二人留學於美洲。金山。皆鄂人。中有冒險性質者。時鄂中官派生二十人亦分赴歐美。均由上海治裝啓行。各舉沿途見聞。組織詩歌與國民無大感情者不錄。一洗从前出洋日記之弊焉。

學舍縱橫百葉窗。垂紅戎服玉蟾雙。青年愛國懷奇氣。義塾巍然瞰大江。

上海學校以愛國學校為最。大有養成中國國民之資格。吾省人士所宜各送子弟受教育於彼校者。校內主事如吳稚暉。蔡和卿。皆一時人望。學校在大馬路白雲高聳巍然。為國民表率。昔日本維新。先倡九州學塾。髮應義塾。大江義塾。願為愛國學校祝之。王氏育材書塾。亦重國民教育者。

西帽朱輪遲不前。華車未許着先鞭。公園門巷森々。令犬與華人最可憐。

詞

藪

一

詞 數

二

上海在外人管領之下吾國無治外法權凡西人車馬在先華人不得前走違則印捕鞭之又黃浦灘公園門懸狗與華人不許入之禁令嗟吾同胞人格卑下等如牛馬彼高官策馬招搖上海市中者自願形影能無愧然

風潮莽々沉東亞鼓棹洋行海氣濃萬里雄心連楚水一天春雨出吳淞青山處々堪埋骨碧血殷々刃醉胸獨上船樓看故國江山深隱指芙蓉

男兒仗志出鄉關謀而不成誓不還埋骨何須桑梓地人間到處有青山西鄉南洲翁詩也冒雨放輪出吳松口西望大陸茫茫荆榛問君能有幾多愁恰似一江春水向東流爲之悵然

白足紅裙屐齒聲挾書三五六街行清歌一曲春風起知是國民無限情

抵長崎日本男女學生着屐繫紅裙攜手三五午前入塾或沿途唱國歌一唱衆和學校林立所在皆是教育普及可想見也

百兆金錢買國羞當年上相太無謀海天孤島蒼松裏歷々春帆認舊樓

過馬關李鴻章議和地也嗟吾漢種日出金錢代他人之賠償東西人病之曰牛馬奴隸民族信然

紫燈白壁鬱金盤博覽狂遊海市寬紅頂花翎靴薄底臺灣館裏勸加餐

大阪博覽會中國官吏來觀者如織。習々不辨其宗旨。臺灣館中有中國飲食店。某大官紅頂博帶渺不知臺灣已屬日人者在館中狂飲大呼好中國酒日人笑之以鼻嗟此賤種爲之奈何

尙武生徒賭暮潮競漕艇子綠迢々隅田川下櫻花水搖過吾妻第二橋
爲看淺草觀音寺上野公園次第行方帽紅裙齊結隊今朝日曜是清明
葡萄春旆紫氈臺園外園中錦作堆衣拉腮聲花裏聽行人知看杜鵑來
圖書天府白圍牆和漢洋文貯一床購票投書青玉案禁人高誦語郎郎
役起西南眞革命熊城戰死老西鄉櫻花萬點參銅像碌々何人識肺腸

抵橫濱同學諸子偕入東京時隅田川大學競漕渡吾妻橋往觀之日本競走競渡皆涵有尙武意時日曜日男女學校停課出游日暮過大久保看杜鵑花看花之風日人最盛屆期曰花見衣拉腮者酒店喚人聲也上野有西鄉隆盛銅像牽黃犬巍然有大革命者氣象圖書館在上野西入觀者不許出聲恐妨他人功課也當晚出橫濱羣投宿久津井屋賓主各十餘人痛飲長夜翌日十二時登輪出發東京友人

二十餘揖別海頭，各島以爲國自愛。
(未完)

歐船錄

新加坡通信

抵香港

電光如白晝，夜矮太平山。
燈影紅三角，春潮綠一灣。
數更聽報鐸，盪艇喚垂鬟。
形勝非吾土，重洋握鍵關。

三環樓閣啓朱維，管領華民政務司。
粵客不知奴隸痛，喃喃猶話女皇碑。

入西貢

百粵當年郡九真，天南都是漢遺民。
無端宰割西人手，和議班師怨甲申。
檳榔移樹法兵環，花落宮城靜掩關。
故國淒涼河內月，聲々應唱念家山。

自由吟

楚 狂

流血成川渠百萬，頭顱舞君見自由。
樂不見自由苦莊嚴，自由花慷慨自由士。
海石有枯爛自由終不死，盧梭不得意戕身等螻蟻。
不爲自由人猶爲自由鬼。

茫茫大陸隔千年長屈伏吁嗟專制人不如自由物

愛國廬詩話

文學者愛國心之代表而詩其著者也吾中土有四千年之文學爲大地最此國民幸福之可慶者此而棄之則吾未知所稅駕矣爰取歷史湮沒的英雄之一吟一咏吸其精華吐其糟粕以貢獻於我國民以養成愛國心或不無微補云爾

宋元鼎革之際一般獨立不羈高尚雄偉之國民空懷愛國之心未有回天之力迺以其幽憂孤憤發爲不平之鳴噫嘻自由之魂乎獨立之鐘乎我國民其勿等閑視之也於此時代吾楚襄陽有熱誠男子嚴道立先生者米芾師也讀書喜大義善樂射自園中拔身去行在上書陳時事不報拂衣去其渡江詩云鹿門山人滄浪客洒淚已枯眼見骨風塵崢嶸萬里空不知何處營三窟城中性命湯火近路窮援斷無消息鼠竊狗偷何足憂都將十指漫天日大言濶步好公卿三百餘年涵養成已聞鄭五但搔首復道龐涓豎子名平時肉食誇果決誰信臨危跋窻行白頭面皺齒牙落萬事已矣秋風生 又云近聞士卒願一戰猛氣正倚風塵轟丈夫行事動千古

詞 蘇 六
快意一飽非雄圖。蓋有慨於當日一般國民。一種卑屈劣根性。刺之不痛。呼之不覺。而云然也。

又同時廣陵張義民琬者。有出塞曲四首之二云。腰間插雄劍。中夜龍虎叱。平明登前途。萬里不回首。男兒當野死。豈爲印如斗。忠誠表壯節。燦爛千秋後。朝發山陽去。暮宿清水頭。上馬左右射。捷下如獼猴。先發服勇決。手提血鬪髀。兵家互勝負。凡百憤前籌。足以助國民之尙武精神。

蘇東坡文章氣節。宋代僅見。其詩尤多見道之言。如（孤舟倒江海。赤手攬象漚。可見其冒險氣魄。）仁義大捷徑。詩書一旅亭。使其握政柄。決不釀專制之燄。（閑居蓄百毒。救彼跛與盲。依山作陶穴。掩此暴骨橫。區々救一漑。豈能濟衆生。力作非已出。時哉汝非爭。）可見其乃心國民。不自放棄責任。閉眼此心新。活計隨身孤。影舊知聞及。意行無車馬。倏忽畧九州。可見其思想之出入九天九地。幽人白骨觀。大士甘露滅。根塵各清淨。心境兩奇絕。真源未純熟。習氣餘陋劣。譬如已放鷹。中夜時掣。繩可見其佛學之精。詩如此。雖作講義讀可也。

時 評

痛黑暗世界譯(支那論叢)

登亞細亞喜馬拉雅山之最高峰而望東麓之支那大陸葬葬四百餘州其民族四萬萬北負天山阿爾泰南面太平洋而居渾渾噩噩酣睡數百年而不起白哲人種之天驕子挾其堅船巨艦長槍毒砲環伺其旁俟鐵道蔽功各國勢力範圍圈定後一舉而殲之其積尸將橫亘乎三幹之內其腥血將高漲乎黃河揚子江二流域之間十九世紀之腥風血雨自太平洋移至太平洋而演地球上空前絕後之悲慘劇焉使支那人而稍具心肝稍有腦靈未有不皆裂髮指奮身跳入二十世紀之新舞臺擲頭顱灑鮮血以求子孫之立足地者也而乃睡眼濛濛鼾聲隆隆橫臥於楚歌四面鐵網重重之中而恬然罔覺吁嗟呼死亡者至悲至慘之事也今則藥雲毒霧瀰地漫天而此四萬萬無神經無腦覺者無骨節之支那民族依然酣睡於黑鼾鄉

中恍如一夢。邯鄲遽然長逝。天下傷心喪魄之事。孰有過於是者乎。吾爲之早作夜思。廢寢食。求其原因之所在。則支那人知忠君而不知忠國之學說誤之者也。

今夫國也者。由國民團結而成。民爲國之縮影。片國爲民之結晶體。非君主一人一家之囊中私物也。故論主權之所在。則馬嵬。估保。婦孺。僕隸。皆有國之一分。而君主亦不過國民阿屯中之一分子耳。況君主既爲國民之所任。則一國猶公司。國民者公司之股東。而君主者公司之值理。值理不善。則股東自有更置之權。未聞僕人敢盜主人翁之物。而據爲已有者也。撫我則后。虐我則仇。此非支那古昔之仁人志士。而與獨夫民賊下哀的美敦戰書之證據者乎。況大地之運日趨文明。天賦人權之學說已如火山之爆裂。轟轟烈烈。放萬丈光燄於歐洲。法王路易十六以肆虐無限之故。法人遂送其魂於斷頭臺上。自由萬歲之歡迎聲。喝采聲。驚破歐洲之中心點。而太西洋以東。紅海以西之各國士民。皆風發雷動。爭權利於君主貴族蹈白刃流膏血而不悔。卒使專制政體如秋風之掃敗葉而渺然絕迹焉。美洲本爲英之屬地。徒以納租稅不置。代議士之故。即血戰八年。卒脫英人羈絆。建一堂堂新帝國而爲

地○球○上○美○麗○莊○嚴○之○淨○土○嗚○呼○其○國○民○之○國○家○思○想○爲○何○如○乎○故○吾○讀○西○洋○歷○史○其○
 偉○人○傑○士○只○有○所○謂○忠○國○者○無○所○謂○忠○君○者○今○日○歐○美○各○國○銅○像○巍○峩○高○矗○雲○表○勒○
 功○鐫○石○金○碧○輝○煌○令○志○士○瞻○拜○之○而○下○崇○拜○英○雄○之○血○淚○者○非○愛○國○而○死○者○之○紀○念○
 碑○乎○憂○祖○國○之○詩○祈○戰○死○之○歌○熱○血○摩○盪○印○入○卷○帙○一○讀○之○則○天○驚○地○泣○鬼○哭○神○號○
 令○後○人○起○拔○劍○起○舞○爲○國○犧○牲○之○雄○心○者○非○愛○國○而○死○者○之○絕○命○詞○乎○惟○其○國○民○皆○
 知○以○愛○國○爲○重○死○國○爲○榮○而○不○爲○死○一○人○死○一○姓○之○癡○鬼○此○白○人○之○勢○力○所○以○幾○支○
 配○全○球○占○紅○種○黑○種○櫻○色○種○黃○人○種○之○區○域○而○盡○爲○其○殖○民○地○也○
 吾○獨○不○解○夫○支○那○自○古○昔○之○世○奸○猾○巧○黠○陰○悍○險○賊○之○君○主○於○先○哲○遺○言○中○獨○提○一○
 忠○字○以○示○標○本○於○國○民○曰○爾○宜○忠○爾○宜○忠○以○束○縛○國○民○之○言○論○箝○制○國○民○之○舉○動○一○
 夫○爲○剛○萬○夫○爲○柔○雷○霆○萬○鈞○驚○神○疑○鬼○必○使○全○國○士○夫○之○廉○恥○既○殄○既○爛○盡○爲○一○姓○
 之○家○奴○走○狗○而○後○千○秋○萬○秋○千○歲○萬○歲○之○子○子○孫○孫○可○永○保○其○私○產○之○花○息○而○勿○失○
 支○那○君○主○愚○民○弱○民○之○罪○誠○所○謂○罄○南○山○之○竹○而○筆○不○能○書○者○矣○而○賤○儒○之○僕○妾○色○
 以○求○容○倂○優○狗○馬○行○以○求○售○者○又○從○而○附○和○之○文○飾○之○以○詩○書○爲○文○奸○具○假○孔○學○爲○

販賣符創爲君雖不仁臣不可以不忠之謬言事童昏則宜忠於童昏事桀紂則宜忠於桀紂惟以得攀龍附鳳上邀天寵爲人生無二之目的物而國亡種滅之慘禍則置諸腦膜後焉父以是詔子師以是勉弟學堂科舉直製造奴隸之機器場六經四子直鎔鑄奴隸之化合料化日光天之下其如此魑魅罔兩之學說何哉吾獨恤夫忠之美名被羶翳於支那一塊土歷數千年黑闇而不彰忠之一字如發狂酒如迷魂藥挾之則足以奴隸牛馬此無量數蚩蚩蠢蠢之士庶故闢宦得位則闢宦竊之優伶得位則優伶竊之盜賊得位則盜賊竊之甚至文字語言風俗習慣不同之外族得位則又竊主人之法還制主人以愚其民而奴其種嗚呼奈何支那人之抵死不悟乎

夫支那人以徒知忠君之故遂不知國家爲何物朝廷爲何物國民爲何物惟以盲從神聖不可侵犯之君主爲獨一無二之義務然使常閉關之世亦任其自生自滅於支那大陸之中而其如五洲大通白禍滔天以國家思想薄弱之民族遇國家思想猛烈之民族則如湯沃雪不能稍存於渾渾圓球之上何哉吾請言支那人徒知

忠君而不知忠國之實禍

今夫賦稅者國民義務上所應納之股分金以爲辦理公事之費用苟取人民之賦稅而不與以相等之利益則其罪與盜賊無異支那庚子之役以一二頑固大臣之故無端仇教致八國之聯軍賠款九萬萬雖賣盡支那中人之產不足以償之宜如何清理財政爲國民輕擔負而乃以辮髮奴賣妻鬻子敲肌剝髓血肉橫飛所得之餘資以供梨園子弟太平歌舞之餘歡而且外交無計專事庖丁御厨珍羞連霄不絕玉樓宴罷醉和春直以四萬萬人之血肉爲香花美餌而供西方美人之餒食物矣使支那人而稍有權利思想木有不犧牲身命以圖再造國民之幸福者也而乃相率而輾轉橫死於刀鋸鼎俎之下而噤不發聲何者此忠君之學說使之然也土地者國民之所有權也東西各國君主未有敢以國民之土地而擅送友邦者法蘭西革命之人權宣言書曰「國之全體或一部分不可分割於外國」自此主義一出而各國民雖粉骨碎身不肯奴役於外種人羈軛之下此十九世紀所以收民族主義之成功也支那數十年來之外交政策專以此好錦繡山河爲奉申敬候之禮

物不恤全數以獻諸外人以圖小朝廷恒舞酣歌之宴樂新安之入於英廣州之入於法膠州之入於德旅大之入於俄支那人之死於搜殺死於淫掠死於劫奪者不下數十萬人霜雪橫飛呼號莫應使支那人而稍有氣息未有不起是將及我之懼發憤爲雄如北美之聯合十三州以圖自立者也而乃祖宗邱墓之地子孫衣食之鄉任其和盤托出展轉販賣自甲家而鬻之乙家其亦思水盡山窮不至如波蘭之亡國奴皆輾死於西比利亞之荒寒軌道中而不止乎且據近日吾國人居留清國調查之報告則謂支那全國巍巍赫赫士夫思想之中心點皆以入洋籍當洋奴爲絕好機會嗚呼毆美各國動謂支那人具貪生畏死之特性而不知自吾眼觀之則支那人可謂自投阱陷愍不畏死之尤者矣夫以今日僞文明之世界各國種界之嚴厚於銅牆鐵壁以支那人今日尙存清國之虛名而至美洲則美洲虐殺之至澳洲則澳洲虐殺之至南洋各島則又不以人道待之環球之上隨處皆華嚴樂土而支那人則如雪海冰天無途可適俟支那土地鬻盡之時則釜底游魚頃刻即化爲異物矣豈得復如明末之時支那志士多棄國而逃爲我扶桑二島一片乾淨之

歸化人尙得與大和民族享平等之權利者乎嗚呼爾豚尾奴日人以中國人有辨髮之故呼中國人曰豚尾奴將無巢可歸惟有啼號跑跳蹈東海而瞑目死耳何者此又忠君之學說使之然也雖然支那人忠君學說所釀之禍尤有奇離怪幻不可思議爲地球上絕無僅有之咄咄怪事者則以「食人之祿者死人之事」誓言深印於支那民族之腦髓故苟予以噉飯之所頂戴之策則甘爲異族之俚以屠戮同胞爲得計此與澳洲之蠻種自梟其父兄子弟之頭以賣金錢於英人者固同供世界人種茶前酒後之笑柄者也吾嘗覽吾圖書館所藏之支那野史見彼當外族入侵之際拍刀一聲日殺人盈數十萬拒降遺民肝腦塗中原膏血沃草野鬼哭燐飛慘無天日則凡屬孝子順孫皆當泣血枕戈以圖報也而賣種之支那人不刹羅間遽反顏事仇爲之効命爲之死節爲之多戮同胞以搏忠臣孝子之褒揚於新主嗟呼使支那人始祖之巢燧羲軒而有靈也則必血淚俱下手刃此頑冥不肖子孫無使其留遺種於世界矣而乃自殘同種之寫真片復大演於庚子七月聯軍入京之一大紀念日方攻戰之際英人威海之兵德人膠州之兵法人廣州之兵月得餉銀十餘兩則反眼不相識拚死

忘魂以攻其祖國京闕之民爭掛我大日本帝國之順民旗歌功頌德敬送簞食壺漿迎王師之萬民傘以爲保護符者滿地皆是其巧黠之士則又百方剝削財產搜括民間美麗子女以博異種人回眸一笑之歡樂自殘同類騰笑五洲我日人以同種同文之故庚子觀戰紀事之書至今讀之猶有餘痛焉嗚呼造物不仁我亞東大陸何不幸而生此寡廉鮮恥奴顏婢膝之藝妓即倡妓是也人種以污穢黃族歷史之名譽也吾知再過數年數十強國各據其土地之勢力範圍圈而瓜分之豆剖之支那之佗冠禪辭平日以服從孔教爲口頭禪之士子之官吏將如蟻赴氈如獸走壙求富貴功名利祿於新主而其尋終南之捷徑者則又必頌揚聖武以黼黻昇平奉天承運聖祖神宗大皇帝之徽號深仁厚澤食毛踐土小奴臣之諛辭必連篇累牘手披口沫百叩首稽手而上陳於向日所深惡痛絕紫髯綠眼之洋鬼子之馬前而奉命惟謹矣何者以其能富貴我利祿我此固我無上之恩人而又何暇計及謂他人父謂他人母之奇恥殊辱哉縱有熱心愛國之士欲圖自立以恢復祖國之名譽者而咬文嚼字之士子明天經識地義之奴臣必曰此非聖無法者也此無父無君者

也。此食人之祿而不忠於人之事者也。其厚集兵力以屠之，勿赦而白人正嫌此。四萬萬劣種之穢多，利用以土人攻土人之政略，使自相殘滅，立即於亡以甲省之人攻乙省之人，忽又以乙省之人攻甲省之人，各求多殺同胞以効忠。新主將見流血成渠，穢尸山積，支那人所自誇為數千年來相傳之神明貴種者，不出數年而即無噍類矣。何者？此又忠君之學說使之然也。嗚呼！支那之腐師俗儒，專以服從勢力，服從強權為教育主義之中心點者，其禍豈不烈於洪水猛獸哉！

顧支那今日無識之士，動輒援我國民之忠君以為例，而不知我豐葦原瑞穗國

古日

本國名自神武天皇建國二千五百餘年以來，外人之馬足曾未嘗蹂躪我大和民族之寸土。我之國體實天孫人種萬世一系血族綿延之皇統，於世界歷史中占最光榮最名譽之位置。而我大和民族可藉以自豪者也。豈支那二十四朝膿血模糊之污穢歷史所可同日而語者乎？況二十年前民權自由之聲沸騰於新聞紙，演說臺如風吼雷動，幾有易君主為共和政體之勢。卒以憲法已立，天皇歲用不過三百萬上下，相親有逾骨肉。此我國民之對於君主而具特別之感情者也。支那之君主果

何如乎。況其所謂君主者，則固皆以長槍大戟，兵強馬壯，橫殺虐戮而得之者乎。使我國民而亦如支那人之言忠君也，則此山嶽雄秀之芙蓉峰，煙雲縹緲之琵琶湖，爲我國春秋佳日，士女如雲所怡心賞目之絕好江山者，不爲數百年前胡虜忽必烈之游牧區，已爲歐美白哲兒之奴隸國矣。安得復有大日本帝國如朝日初昇之太陽國旗，高懸於燦爛莊嚴之新世界哉。支那人之喜言忠，此固吾輩所索解而不得者也。

難○然○以○支○那○民○族○四○萬○萬○之○衆○席○二○百○餘○萬○方○里○之○地○使○其○有○權○利○思○想○國○家○思○想○則○將○樹○獨○立○之○旗○撞○自○由○之○鐘○擊○同○仇○之○鼓○雄○獅○一○吼○發○驚○天○破○地○之○聲○顯○騰○雲○搏○空○之○技○崑○崙○山○巖○崩○太○平○洋○波○立○而○千○妖○萬○怪○股○慄○脅○息○惟○有○任○此○壯○厯○雄○偉○之○活○獅○子○縱○橫○咆○哮○於○二○十○世○紀○之○新○天○地○而○莫○敢○誰○何○矣○幸○而○有○忠○君○二○字○之○鐵○圈○限○以○錮○其○心○思○塞○其○耳○目○縛○其○自○首○則○幽○死○於○十○八○層○黑○暗○地○獄○之○中○終○無○撥○雲○霧○而○見○青○天○之○一○日○嗚○呼○支○那○人○之○喜○言○忠○此○固○支○那○壓○制○魔○鬼○之○所○喜○也○此○又○白○人○之○專○以○絡○馬○首○穿○牛○鼻○爲○殖○民○之○絕○妙○手○段○者○利○用○此○壓○制○魔○鬼○之○無○數○魔○鬼○之○所○喜○

也。

吁嗟呼。猙獰百鬼。嗟天帝。其無言。慘淡神州。悲漢族。之將盡。尋魂兮。何處望。窮東海。之濱呼。黃禍兮。誰聞應。下同胞。之淚。吾人於此。鉅大問題。詎得以隔一衣帶水。間遽視爲隔岸。火災而不爲之一細心研究乎。吾悲此四萬萬民族。之陷於殄祀滅種之慘禍。而不自知也。故爲一言以弔之。曰支那人。黑暗之死亡。



時評

十一

時

評



十二

雜

俎

思潮一勾

文字之獄

乾隆時代。有徐述夔者。所著詩有「明朝期振翮一舉去清都」之句。經劉墉奏舉。律以大逆不道之罪。又有方某者。其祖方芬。以一老貢生。躬見鼎革之變。發爲吟咏。多幽憤之言。有「征衣淚積燕雲恨。林泉不共鳥啼新」。「亂剩有身隨俗隱。問誰壯志足澄清」。「蒹葭欲白露。華清夢裡哀鴻聽。轉明」等句。爲大吏入告。請將方芬創墳戮屍。經純廟批駁。吁一則身膏斧鉞。一則僅保枯骸。言論自由。其謂之何。然如方芬之理想高尚。超然物表。殆無名之英雄哉。

臣

古時朋友酬酢應對。多自稱臣。如近時書札稱僕之類。漢時猶然。漢高祖爲亭長時。

雜俎

一

呂公欲妻以女。謂之曰：臣少好相人，相人多矣，無如季。而漢高祖見項羽於鴻門，亦曰：始臣與將軍戮力攻秦，初未嘗以臣爲人格之賤稱也。自唐宋以後，始以臣爲對君主惟一之名詞。然而古昔人名臣云者，是猶含有人役之意。嗣後賤儒不明大義，牽強傅會，馴至人臣爲家奴之代名詞，恭而無禮，先民之謂乎。

心之自由與身之自由

黃梨洲曰：心放他自由不得，蓋心之欲望無止境，無道義以限制之，則肆無忌憚，而爲公德之大蠹。身無自由之權，則雖命世英雄，不能擴張事業之範圍，是亦奴隸而已矣。世之談自由者，內之其務裁制心之自由，外之其務擴張身之自由，則庶幾乎不悞解自由之義矣。

學人與法人

支那之文學家，有學人之名詞，甚足爲教育發達之徵。雖然，學人者，促社會之進化，增歷史之文明，則誠有之。然進銳者退亦速，今日進化而明日退化，則何如泰西政治家法人之名詞之歷劫不刊也。蓋法人者，有獨立之目的，與應得之權利，而學人

者不能脫服從之圈套者也。吾願有教育之責者，其以法人之說刺激其羣而毋徒襲學人之說以弱其種性也。噫嘻。

逆取順守

霸者之得天下，先肆屠戮以警服，反側之心而盡鋤，天下之廉耻迄其既安，且治則又附飾詩書之說以愚天下萬世，乃有逆取順守之嚮言，是猶鄉里無賴劫人之資以起家，而其後稍悔其行，乃飾詞自蓋，是可欺孰不可欺。

陸梭山之思想

象山語錄中有一則云：松問梭山云：孟子說諸侯以王道，是行王道以爲周室，行王道以得天位。梭山云：得天位，松曰：如何解？後世疑孟子教諸侯篡奪之罪。梭山云：民爲貴，社稷次之，君爲輕。象山再三稱嘆曰：家兄平日無此議論，良久曰：曠古來無此議論，嘻！處專制之時代，而其思想若是之發達，陸氏兄弟真吾國之良教師哉。

支那社會之三教師

孟子之學最長於批評，其稱贊伯夷、叔齊、伊尹、柳下惠，尤有特識。伯夷之學派流而

爲後世之隱士超然於埃壘之表人爵不得而羈壓力不得而制柳下惠一派如周濂溪程明道光風霽月一團太和使人見之鄙吝之念自消不善學者遂成爲鄉愿一派闒然媚世吮癰舐痔廉耻蕩然今此派殆蔓延於全社會至於伊尹一派不放棄責任敢爲破格之舉如陳同甫黃梨洲之流求於歷史殆不數觀亦三導師之所未逆觀而爲孟子所歎歎者也

堯之婚姻制度

近世文明國之婚姻制度莫不以一夫一妻爲定衡而一夫多妻之制久爲文明之士所唾棄堯爲吾國歷史最有名譽之君主乃以己之二愛女妻舜雖爲天下得人出於崇拜眞誠然律以近今文明之制度不無可議習俗移人賢者不免堯之謂乎

奴痛

中國者喜爲奴隸之民族也一日不爲奴隸則一日不快多方曲折尋繹求合奴隸程度而後已講學者爲學之奴拜金者爲金之奴民爲官之奴弟爲師之奴妻爲夫之奴子爲父之奴爲專制君主之奴爲異族鉗制之奴今日外人特設一奴

隸○圈○套○貫○中○國○人○之○首○五○花○八○門○波○詭○雲○譎○爲○數○千○年○未○曾○有○之○奴○隸○境○遇○如○入○五○都○之○市○目○迷○而○心○醉○矣○造○出○種○々○曠○古○不○可○思○議○之○奴○隸○奇○聞○遺○笑○於○世○界○賤○種○々○々○何○日○跳○出○奴○界○舉○近○日○最○痛○楚○可○感○發○國○民○者○咨○觀○覽○焉

我是大俄國兵

日本新報載俄人僱支那兵五萬。斷髮衣俄服。以支那兵二千。侵入朝鮮義州。四出侵掠。稍不合意。即打朝鮮人曰。我是大俄國兵。我大俄國皇帝命我來打爾們的。還不知道碼圓明園之役。以八千潮勇爲前敵。庚子之變。英以威海衛法以廣南華兵爲先驅。各國得中國租地者。爭行練華兵。政策安知英人招長江一帶人爲兵。不自詡曰。我是大英國兵。日本招福建人曰。我是大日本兵。可由此比例推者。

臺灣人問答

某君閱博覽會遇人類館一臺灣人。前中國武舉人也。問近日臺灣情形。答曰。大日本天皇深仁厚澤待我臺民甚好。但有一件事不如從前。臺灣未歸順我大日本時。我可以做中國官。也曾做過提塘。也曾做過千總。不知到大日本朝廷如何不要我。

雜俎

六

做官了嗟々洪承疇錢謙益之流棄故主迎新主紆青紫垂金貂尙書經畧富貴依然也在也中國人數千年所求者一己之官爵國亡種亡棄之不顧變局至今一旦亡國獨所求之高官厚祿雖呼我皇上深仁厚澤之聲々震屋頂亦不可得嗟彼官吏其知所懼否

福建會館與日本領事

成都福建會館。日本領事踞爲行轅。高懸大日本領事署旗。領事每語其會館董事曰。福建將來終屬日本。大日本皇。上將來待福建人。總同現在待臺灣人。一樣某董事有首許可意。夫中國虛殼尙存。竟敢出此儼認福建會館爲屬土。吾恐俄領事駐八旗奉直會館。法領事駐兩廣會館。源々而來。此事聞之四川成都學生。

前中國舉貢生監及紳商等上日本臺灣總督壽碑

臺灣前中國舉人陳懋勳等三十餘人。欲爲兒玉總督立碑。商之後藤民政長官。後藤商之兒玉。々々固辭。翌日陳等又由參事官請之。兒玉曰。予吾功德。可頌何。陳曰。公來後。較吾等受清國暴政。不啻天壤。敢不圖報。越數日遂定議。

德 配 天 地

大日本國欽命陸軍中將臺灣總督男爵兒玉公蒞臺五年壽像敘文

明治三十一年三月陸軍中將男爵兒玉公躬膺 簡命總制臺疆時則領土新頒瘡痍甫復土匪未靖產業久荒而維新之政與舊染之習動多扞格用人行政衆多沸騰當軸者每慮棘手前此總督臺灣者四年之間交迭頻繁職是故耳夫交迭繁則政令更人民不知所向以此求治亦甚難矣自 兒玉公持節南來守之以恒謀之以豫謂非久治無以致隆平非至誠無由息羣議房謀杜斷萃於一身由是恩威並濟而土匪夷矣嫌怨不避而冗員汰矣繼則舉饗老典開揚文會啓仁濟院興理財則惠工勸商業求其備行政則學校築港鐵路燈臺立其規百度維貞羣生咸遂治過之神收效之速有出人意外者勳猷卓著衆望交孚 朝廷深以爲倚俾前年升拜陸軍大臣 公以臺政未畢力辭顯職仍督澎臺其寵利不居而以新領土經營爲己任者固鉅艱不辭始終罔斃也歸臺後巡視臺中臺南冒衝署察吏恤民軹車所至歲必週覽又測量土地以正經界調查舊慣以順輿情刪改法律以清庶獄迨於今百廢具舉村氓野老咸企踵延頸以觀德化之成非傳所謂有守有爲有猷者曷克臻此本年三月爲 治臺五週年之期臺民僉謀建大理石壽像於臺北臺中臺南三處一世播爲口碑萬家奉作生佛則金鑄范蠡絲繡平原永垂模範於千秋藉資景仰於百姓用貢愚誠聊頌禱謹叙

明治二十六年歲次癸卯仲春二月穀旦

臺灣士民公立

爲此碑文者其人善作八股讀過古文觀止平日咬文嚼字尊孔孟談聖賢聲聲忠君愛國口口皇上朝廷張三來則呼張三爲我朝李四來又呼李四爲我朝由李姓降于張姓則呼不服張姓者爲土匪由張姓降於李姓又呼不服李姓者爲土匪撫我則后虐我則仇「無論何人坐天下我總是大耳朵百姓又捫拾一二經傳爲獻媚賣淫之媒灼良心喪盡寡廉鮮恥此中國之民族此中國民族中之讀書人其先見本國志士則曰某人無父無君某人離經畔道某人不純靜好作亂某人信洋人是名教罪人外族一來彼即呼我聖君我百姓之喜聲亘一萬年不絕嗚呼臺灣已矣臺灣者我中國四萬々民族之代表也彼臺灣人又安知不援前代許衡諸人以爲例中國人將來稱大英皇上帝大法皇上者又安知不援臺灣人以爲例香港維多利亞之功德碑日本天津都統衙門之功德牌傘已藏在英公園日本國光館與此碑媲美矣中國人不知有民族世々爲外人奴隸亦不知痛其資格如上海四馬路之野雞朝々暮々有來臨吾土者皆吾君相吾朝廷吾恩主喜與我夜度金纏頭費野蠻人尙有殺外人性質中國民族誠野蠻人種所不齒矣醜!!醜!!痛!!痛!!痛!!

國 聞

南清法國之干涉

法國公使前曾照會清政府請速平廣西匪亂。後廣西匪勢漸次蔓延。有愈難鎮壓之勢。法人遂欲藉詞干涉之。法公使机伯氏原定期西歷四月內歸國。後接法政府歸國延期之訓令。託言北清有亂。實則全為廣西事件。逗留不發。據廣西別報則云王之春現屯駐龍山。乞法兵援助。得安南總督之認可。派法兵一隊。由陸路進。他一隊乘小砲船由西江入。扼內地之各要塞。為進軍之準備。又王之春氏因軍費缺乏。欲向法商哈達洋行借巨款以濟急需。且與之立約言匪亂平定。將廣西全省礦山鐵路以及各種別權利讓與該洋行云々。

滿州撤兵之不實

國 聞

俄國於滿州撤兵之第二期。既經數月。並不實行。一面假名撤兵。移動軍隊於各處。反增加兵員。一面飭華俄道勝銀行及旅順上海各支店。廣購石炭及糧食。為種種示威運動。

俄國之要求條件

俄人之要求。共七條如左。

- 一 東三省官制不得更改。
- 一 營口以外不許開作市場。
- 一 俄清兩國人之士。無開掘東三省鑛山權。
- 一 俄國得以其國之兵。保護東清鐵路。
- 一 東三省置於俄國監督之下。不許他國干預。
- 一 設商務衙門于奉天。派其國兵保護之。
- 一 東三省練軍。歸俄國將校訓練。

觀以上七條密約。俄人殆旁若無人。遂欲納滿州而入於己之囊中矣。

國聞

俄人之僱支那兵

俄人於滿州各處募中國人爲兵。口糧較中國軍營所得多數倍。應募者實繁有徒。現已數萬人矣。又招集馬賊數千分屯各處。聞各兵號衣上繡有俄國新兵字樣。三五成羣。殘害無辜。無所不至。嗚呼。中國人愛利而不愛國。爲異種之奴隸。悉不知羞挾。此以自殘同種人格。卑下如此。不亡何待。吾廼思中國前途不禁潸然泣下也。

日英協同警告

日英兩國公使關於滿州問題。發忠告於清政府。西四月廿四日兩國公使由本國政府之訓令。更發嚴肅警告。今錄之。

一滿州撤兵遷延。破壞極東和平。侵害日英正當之利益。若遷延撤兵。爲永續的性質。則日英必各爲本國之利益起見。求相當之處置。

二

一貴國對於俄國。必得一何日爲第二期撤兵之誓言。

一日英際于撤兵。無論俄清二國。結何等侵害日英利益之條約。俱不承認。

一撤兵後之行政。俄清二國所新訂條約。必布告於日英二國。始可承諾。

一以上之要求貴國。宜於五日以內詳覆。

清國政府之情形

俄國滿州俄兵之約既不實行。且用壓迫手段。恫喝北京政府。欲干滿州軍事政治之特權。外務部慶邸。亦強硬拒之甚力。蓋政府特有英美日三國之後援故耳。

袁世凱之滿州政策

直隸總督袁世凱見俄國於滿州舉止無法。極抱反對主義。已上奏臚陳俄兵撤後。東三省宜改革之事件如左。

行政制度之改革 盛京吉林兩省宜做照內地各行省。置督撫。所有道府州縣各官皆隸於督撫。軍隊制度之改革。俄兵更迭後。所有兩省之軍隊。須採用洋式。各種兵器。均做新式鎗砲。又須設提督一員。掌國防計畫軍隊教育衛生及其他軍務。與督撫協圖治安。

對外事件之裁判 滿州在留之外人。行政民法或刑事。有關於中國人民者。或外人之經營事業。有關於中國政府者。須審判清晰。宜置華洋審判局一所。

酌開重要市府為自由貿易場 圖商工之發達。宜開放水陸樞要都市。為中外商賈自由貿易場。添設新關 宜於內地邊塞各要地。添設稅關。徵收由陸路輸入滿州之輸入稅。杜支扈而裕國帑。

國 關

廣建學校 圖人民智識之發達。宜於各都市多設學堂。授外國文及普通學。漸次推廣。授高等教育。

上海有志家之建議

俄約之成。關係全局。凡有血氣者。莫不恨俄人之專橫。痛宗邦之阽危也。自上海喧傳俄人要挾中國七條後。各有志家奔走演說。集會於張園。決議後發電至北京。其大畧云。俄國若不撤兵。恐激生國民排外的暴動。各國官商教士。亦蒙其害。駐京公使。宜執居中調停之勞。又得東京留學生編義勇隊之公電。人々感奮。願應留學生為義勇隊者數百人。

京師大學堂學生之義憤

京師大學堂兩館學生。因東三省事。商之副總教習。當蒙允准。即鳴鐘上堂。先由范助教演說利害。演說畢。全班鼓掌。有太息者。有流涕者。次由各學生登臺演說。籌

三

國聞

力爭善策四條。

- 一、各省在京官紳。電告該省督撫。電奏力爭。
- 二、全班學生。電致各省督撫。請各省督撫電奏力爭。
- 三、全班學生。電致各省學堂。由各省學堂稟請該省督撫電奏力爭。
- 四、大學堂全班學生。上稟管學。代奏力爭。

俄國第二次之密約

俄國代理公使弗斯氏。由本國政府之訓令。撤回前日所要挾各款。更立一新約。且聲言清國若承諾此約。即可撤兵。王慶石中堂接閱之後。即呈于慶邸。其約如左。

- (一) 俄國人民現有之權。以及日後應得之權利。宜妥為保護。不許侵害。
- (二) 官署兵營學校所應備之外國人。除俄國人外。不得與選。
- (三) 東三省官開商埠之處。清國當請命於俄廷。

四

(四) 無論有何變動。五十年之內。東三省不得割與他國。

(五) 將來若有關於軍事者。清俄二國。當協力任警衛之責。他國不得干涉。

俄國之蒙古要求

俄人既無所得於滿州。又於蒙古施其技倆。其要求之件大致如左。

- 一 俄廷簡一軍務提督。駐劄蒙古。凡蒙古之軍事防務。皆聽其佈置。
- 一 設自由婚嫁制度。立俄文學堂。廣布希臘教。以圖二國人民之親睦。
- 一 蒙古之鐵路鑛山其他各項之利益。皆准其自由敷設開採。且關於此等事業之用品。概行免稅。

外 事

俄國改革行政詔勅

東京日日新聞云。俄帝尼苦辣士第二以前月先帝歷山三世誕辰紀念日。頒極長之詔勅。公示地方行政改革之方針。譯文如左。

朕今敬告朕之忠良臣民。朕曩依天佑。方即祖宗之位。對於天帝。對於朕之良心。守持神聖俄羅斯帝國之國。是以朕之生命。可供朕所愛之國家之務。立神聖之誓。朕夙夜為軫念臣民。故不敢忘朕之祖宗。以繼承先帝之遺業。務導臣民於增進幸福之途。依天帝神明不測之淑旨。先帝早世崩祚。事業中止。今國家之需要。當完成先帝所著手國家之秩序。及公議確立之事業。以神聖之義務。使朕負擔之。

外 事

一煽動陰謀紊亂國家之秩序。矛盾於俄國國情。惑於理論。以釀爭亂。阻害國民之幸福。改善之公務。朕深憂之。朕深思之。此爭亂人心洶々。起於不平。朕今當重視國家。使青年之勢力。益行發達。

朕不問職之高下。皆得倡言行政得失。凡有擾亂民間之舉動。斷不可不防止之。各人當行其公務上公共上之義務。應此國家之需要。如左記之事項。速設施之。

鞅掌於宗教事務。諸官吏規定俄羅斯帝國之根本法。當守信教自由之約。而不違背。據該法以正教會認首先之宗教。奉他宗異教。許我臣民以自由。奉其宗教。從其宗規。而行其拜禮儀式之權利。

在村落改善正教僧官之財產情形。依其實行其主旨與措置。使彼等不與檀徒之宗教上及公共上之事業。以收好結果。而不滋事端。

鞏固民間之產業。應着意益鞏固國家之銀幣機關。士

一

外 事

族及農民農業銀行之業務。執定發達俄國士農民之幸福之方針。

町村度法案調查之件。經朕諭示而審議後。更應調查地方特別事情。付縣會集議。有公衆之信用而適任之人。親與其議。以不可侵農民共同土地之所有權。爲調查之本義。併箇々之農民共同組合。其施行簡易之方法。

感農民之苦痛。當速採用連環擔保廢止之方法。

對於朕而負嚴重之責任者。指導所有官吏。以地方人民之設施。使直接而充地方人民種々之需要。擴張方法。當改革爲縣制及郡制。

共同役所使與正教會附屬之檀家各等人親密。當以改善地方將來之情態爲主眼。

朕對於臣民就家庭學校及其共同之生活上。確立德義之原理。求贊助於朕躬。有關係於諸大臣及本件命

各部管理主任者。提出意見。及朕之書領後。照章實施之。

日本海陸軍情形

東京日之新聞云。日本陸軍追加豫算。提出於臨時議會。屬於陸軍省所管者。不可依前年豫算。蓋自軍備擴張。第七師團完成。設置基隆要塞砲兵隊等。兵員亦因之增加。自昨年十二月至本年三月。共四月間。自本年四年至十二月。共八月間。所增薪水不少云。

海軍之增加豫算。均於前議會不成立。海軍第二期擴張豫算。提出。其間豫定第二期擴張之結果。增加艦艇。要求追加豫算經常費。約四十萬圓。

支那海警備艦。本年自常備艦隊分遣支那海警備艦。決定派秋津洲浪速高千穗千代田愛宕五艘。秋津洲向上海浪速向南灣。高千穗向北清。當不日發行。又現在警備之大島。不遠將與千代田交代歸朝。

韓國守備交代艦隊。本年當派遣步兵第三十八聯隊（伏見）一大隊。豫定以來月五日由神戶起旋。該艦大隊長及中隊長三名。日內在陸軍省受訓令。

練習艦隊橋立松島嚴島三艦。二十二日投錨巴爾斯。豫定以來月三十日起旋。又常備艦隊千歲吉野。於日歷四月二十二日。在岡山無故起火。二十三日内。門司拔錨。

俄國造艦方針

俄國海軍省設委員。而議將來軍艦製造之方針。俄國為擴張海軍。故決意製造戰鬪艦。與六千墩以上之巡洋艦。非特無充足之戰鬥力。并缺遠洋航海之性質。全不適於軍事上。而俄國將來製造船艇情形。必與俄國官設或民設之造船所訂合同。使用本之材料。且必成於本國之技師工人之手。一切不仰給於外國云。

俄國學生大衝突

外 事

東京日日新聞云。各地學堂學生。補當局者壓制暴虐。人心憤激。時有暴動之事。惟俄國新聞條例。此類事件。一切嚴禁。不准揭載。故知之者鮮也。近西伯利中央篤馬斯克市大起風潮。本館主人目擊之。該處大學。生中向例如有行為損污體面者。依學生同志之決議。除名學籍。既除名。或關刑事犯罪公判。同學生例得往法廷傍聽。前日內有學生犯此例。開廷裁判時。同學輩來傍聽者二十餘人。為時已遲。不許入。僅有二三名入場。他學生以不得入失望而返。途中遇同學生來者。益多。漸加至三十餘名。乃自相編成隊伍。俄國警察法所嚴禁者。有結隊旅行高聲放歌一條。而茶毗奴希楷者。俄人嘲罵專制治下愚民最悲憤慷慨之歌也。此時恰如豫約三十餘名學生合唱是歌。行至警察本部之前。放歌不少止。聲益張。調益猛。警部長聞之。率一團警察官。怒氣滿面。遮學生之前。喝令學生解散。篤馬斯克市為

外 事

四通八達之區。行人繁多。最足聳動耳目。見學生與警察官衝突。羣集而觀。警部長與學生問答一二言。忽起爭論。觀者益衆。皆歡呼而與學生爲聲援。痛罵警部長。警部長忿怒發令促捕學生。壓制達於極點之俄國。警部長一發此令。部下之警官。一時群集。不辨曲直。追逐學生。種々暴亂之狀。不堪言述。并有拔劍擊學生者。學生狼狽。有自威罇依克河岸數丈之斷崖絕壁。飛投河底。中上積雪中者。有如赤血鬼飽於鐵拳而昏倒者。有鮮血淋漓者。白晝大道之中。現出慘澹之修羅場。當時在場實見此慘狀者。有四五箇紳士。被警察及愚民於紛亂擾攘中。不辨何人。亦遭亂擊。均負重傷。傍觀更抱不平。及翌日。恰值亞歷山二世發布解放農民令之紀念日。夫此暗澹慘烈之俄國專制之治下。放出一線自由之光輝者。非此解放農民令紀念日乎。青年有血氣之輩。平時慕自由民權之美政。夢想壓制政治之顛覆。

四

者。值此紀念日。其愉快踴躍。可不待言。然則學生之因此而意氣激昂。非常騷舉。亦自然之事。况忽起如是之大衝突乎。則謂爲篤麻斯克市近來未有之奇禍。非奇論也。

英國改造陸軍

東京日日新聞云。英國陸軍改造之說。起於南阿戰爭。尙未了結之前。邇來陸軍大臣於委員會著々調查。既終。草改造案。提出於議會。得其協贊。今述其大要。英國舊編成陸軍營。三軍營防禦本國。其他三軍營。當殖民地國防之任。從來英國之武備。有不相統一之嫌。故此大各軍營師團旅團。設常置參謀部司令部。刻下第一次第二第三第四軍營。既已編成。第五第六軍營之編成。猶待將來。陸軍大臣致公報於議會。第一第二第三軍營。九箇步兵大隊。四箇騎兵大隊。（駐南阿及其他殖民地）並補若干砲兵中隊之缺乏。使之充實。第四軍

營缺三箇砲兵中隊。與地方砲兵隊所存二箇軍營。不可編入軍隊。參謀部不可不新組織。寬以時日。至改造案實行後。英國陸軍加二倍之膨脹力。其強大當可與海軍並雄於地球矣。




外
事



五

外

事



六

留學紀錄

◎湖北同鄉會報告

近數月來湖北留學生自費來東者絡繹不絕現驟增至五十餘人。官費其中並有破家蕩產而來者。嗚呼學誠盛事哉。想鄂中志士欲來來者當更什佰倍於此數也。吾祝其早來。吾祝其早來。

湖北官費留學生今年有士官卒業者。有速成師範卒業者。前於二月二十五日已同航歸國。想歸國諸君當必大有所建樹以貽惠我宗國。不至如前次卒業歸國諸君貽人以口實也。錄其姓字如左。

士官卒業歸國學生

肅開桂 張長勝 楊正坤 余明銓 段金龍 吟漢章 寶瑛 蕭先勝 蔣正源

留學記錄

應龍翔 沈尚濂 王遇甲 易酒謙

速成師範卒業歸國學生

李熙 金華祝 李實榮 周龍驥 羅襄 左德明 李鑫 馮開浴 萬聲揚

王式玉 李步青 張繼煦 喻懷亮

◎日本大阪博覽會中國福建出品移出臺灣館

始末記

二月十四晚東京留學生稽君鏡得大阪秦君毓鑒電言福建出品陳列臺灣館。連會議稽君即通留學諸君適江南出品委員李君宜龔自阪至東京亦甚憤激。遂與浙江留學生監督高君鳳謙十五日前後謁蔡公使力陳閩品陳列臺灣館大傷國體。公使云江鄂湘蜀皆有公積獨福建出品未咨使署究竟此事應即詳查到底是否吾國出品。抑係東人購辦。高君云現留學生已公議數須人前往大阪詳查情形斟酌辦法。苟得即

留學記錄

日遷出。大善。否則請公使徑電閩督。設法挽回。十六日留學生林長民林榮劉崇傑同李君赴大阪。十七日晚見秦君。秦君云此件確係福建出品。懸牌書「清國福建洋務局」字樣。十八早林君等至博覽會。見出品陳列台灣館。大書「清國福建洋務局出品」每件繫以紙牌。中戴某縣土人某某製。林君等問台灣館辦事人柳本。閩品何以置此。曰此係閩官場託臺灣總督爲之。問博覽會規則。外國出品宜置參考館。閩品何以獨異。曰福建蒐貨逾期。參考館已無餘地。時臺灣參事官石塚在閩。因向通商局言。閩品既備。不妨東運。我當於臺灣館內設法陳列。閩官場許之。故以置此。問此品係何人經手。曰前島真。今在北區芝田町。距此二十餘里。林秦等四人同往訪前島詰之。前島言此事閩按察使司楊文鼎與駐閩日領事豐島及台灣參議官石塚三人商榷定議。吾但司搬運。林君笑曰。此事殊未適當。應即遷徙。

二

必無餘地。奪撤回不陳列。前島曰。陳列臺灣館。本不得已。若有適當之地。當即移入。至欲撤回。須電商閩官場乃可。時復有日人作山專告。在旁向前島言。閩官場既已委託臺督。君能擅易地否。前島言但遷徙無難事。吾當任之。林君曰。閩省出品委員馮君祥光且到。前島曰。馮君但來視察。非出品代表者。無論如何。現所苦者無地耳。林君曰。參考館中四川陳列場尙寬。我等當急商之。得地決即遷徙。前島唯唯。午後李君宜興林君長民劉君崇傑林君榮同到四川出品委託人島田定知處。未遇。晚開李君宜興林君榮復往商議騰地。島田云四川出品陳列已畢。亦不甚寬。然閩品陳列非地。有傷國際。吾力所及。當勉爲之。但我受川省官場之託。若兼預閩事。非得公使或馮委員一信據。無辭以復四川。至遷移及改製箱架。所需經費。四川恐不擔任。李君曰。此兩節可無慮。公使當爲君證。經費閩省亦不能不撥荷。

島田曰。明日常至參考館相度之。並與商業所會議所商辦法。十九早劉林二君往見前島。告以四川出品陳列所已可騰地。前島忽更前說曰。參考館即有餘地。苟欲運動閩品。非有台督之命。不能遷移。林君曰。足下之言。何與昨異。前島曰。昨所言者。冀望之辭。今乃論事勢。林曰。中國出品。中國人欲動移之。何為請命台督。前島曰。台督實受閩官場之託。臺灣館辦事人柳本復受臺督之命。柳本自不敢擅移。事之次序。如是非。有他意。時李君宜與林君。與島田在參考館相候。劉林遂急與前島同往。李君見前島曰。君為福建出品委託人。此事何不商之江楚四川委員。而乃擅出主意。曰。閩官場許之。我實無干。李曰。閩官場當不至是。縱閩官場許之。今亦不足為據。况四川陳列場已有隙地耶。請同到博覽會事務局。聲明遷移出品事。前島曰。我與事務局係間接。不能徑往。李君曰。君為閩品委託人。有閩官場委託

憑據否。曰。有。曰。既有憑據。何謂間接。前島不能答。但曰。現已決意遷移。吾當電告閩官場。即柳本亦當電稟臺督。一有復電。當即馳告。午後李君宜與林君。同到司務局。晤外事課七里恭三郎。歷敘情節。請其知會局長織田。二七里旋述織田言。參考館既可騰地。閩品埋應移入。但須四川出品委託人島田。定知來局承諾。便由本局知會臺灣館。此事萬無不協。廿日李林遂同島田入見事務局局長織田。一織田問島田曰。君為四川委託人。可以于預閩事否。島田備述緣由。李君曰。此事係中國人委託島田。非島田攬辦。織田曰。現參考館內工事且畢。倘再調動。恐稽時日。島田曰。改製箱棚。三日可了。織田曰。既如此。先鳩工為之。俟遷徙時。臺灣館人亦當到局聲明。李林及島田復出。見七里。七里曰。臺督且至神戶。柳本當自往請命。此事臺督決不敢有異議。二十二日。馮君祥光至。李君宜與林君。長民與商辦法。馮君曰。

留學記錄

台督明日至。吾自赴神戶見之。二十三日。馮君赴神戶。而柳本先至。台督聞此事。中國人憤甚。即緘致事務局。言閩品應聽中國人遷移。二十四日。馮李劉林諸君遂同前島其至台灣館。悉將閩品移入四川陳列所。四川委員廷嬖亦至。李林劉諸君遂邀同馮君廷君并島田交接一切。日本海關檢查員亦至四川陳列所。查取出品目錄。蓋前島運送閩品。先輸臺灣。然後東渡。故進口時海關誤閩品爲台產。今移四川陳列所。始爲更正。

◎弘文學院學生退校善後始末記

日本嘉納氏素託名熱心於清國教育者。欲援所謂服從主義。奪吾邦之教育界。擬設弘文學院。立師範科以爲之招。其專注意師範學生之引致也。夫人得而知之。乃已而迫於基礎之未盡堅。隕斷之不容已。於是不數月而有警務科速成警務科六月速成師範科八月速成師範科年半年三年各速成師範科本科速成本科等

四

之設。其各學科之所由名。非取法於歐。非取法於美。並非取法於彼所謂宗國之日本。蓋以吾政府派遣學生之文件上所以名吾學生者名之。然此僅自其內部論之。固其宗旨之不可問。夫何與於留學之目的。而自其外部觀之。則其管理之荒謬。尅有足以繫全校之去留者。則其教務幹事三矢氏之一語。即其發動也。先是陽曆三月二十六日會計幹事關順一郎集學生部長等十餘人。發布新定規則十二條。時代表者以事皆關經濟計畫。於官私費學生。皆無可遽斷之理。故以埃商酌對。會計曰。毋庸。是固學院所定之規則爾。四月一日即須實行。他人無商酌權也。會計之爲此強項語。蓋以事前之三數日。彼以禁止全校學生通用電話一事。學生爭與理論。竟不得直之故。是時又有非經商酌不能認可。相爭者久之。乃允。是晚學生於同窗會中。提出最要件三條。議以全力爭請修改。議後復由代表致意會

計。會計陽諉之。將請命於校長。而陰無給復之意。代表者以迫於施行之期在即。因與訂次日索復之約。否則後日即須稍停功課。以自面於校長。至次日果無復。二十八日議停課見校長。而晨八時頃會計適至。僅允修改三件之一。代表者因以是說。宣告同商會中。學生恐反以多望而無一成。又提出二者中之一件。議請必修改。會計仍以請於校長之說相諉。至午後二時頃復集學生部長等十餘人。告以堅不可改之意。而教務幹事三矢氏時亦在座。因宣言曰。余請一語以判諸君之失。余度諸君於私心臆計中。必劣弘文而優同文及成城。然一校有一校之性質。余弘文之性質。非同文成城比。校長已有定見。諸君猶力爭如是。誠不知諸君命意何在。無已。其退校如之何。然余決不強留。語出未竟。同座者以聞汚辱語。皆離席。三矢氏曰。其少安。畢余說。因止之曰。子無復言。學生之至退校。事非得已。子既以為

良策。余將奉而行之。遂別。是晚每部各以此事分致各處監督。二十九日午前七時公致嘉納氏退校留別一函。擬請各處監督至院知照。即退出院。乃各處監督因午前十時赴師範學校會議之約。遲至午後始至。因告以此係國際名譽所關。不得已之苦衷。當可相諒。各監督亦以事出於無可如何。乃偕赴嘉納氏及總監督處告以退校之說。於是年半速成師範科八人三年速成師範科十三人浙江師範科十二人本科五人速成本科十四人同時出院。是晚嘉納氏復邀集每部代表之二三人。語曰。諸生皆官費。官費學生。非有政府之命令。不得擅言退校。諸生其知之否。因告之曰。不然。政府於留學界上之交涉。以總監督為之代表。余等退校之說。已向總監督言之。總監督且向貴校長言之矣。何不得退校之有。嘉納氏語塞。雜他語談少頃。及將別。復語曰。諸生其熟思之。毋徒貽後悔也。因頷應之而別。翌日嘉

留學記錄

六

納氏致書於總監督。隱示挽回之意。總監督亦以為與其堅持退校之說。俾弘文無以成立之故。竟塞師範學生之先路。不若與之約法三章。迫其改良。然後全體入校。以成就後來者之遺惠。並於次日之同窗會中。親蒞會場。提議是說。是日全體會員皆蒞會。咸以為既先改良而後挽回。則挽回之利益影響於學界者甚大。試與立約數事。果無一事之不我許。堅執不允。是曲在我。於是全體咸贊成挽回之議。而請監督汪氏與約七事。一撤去荒謬之二幹事以服衆望。二學生平日得與嘉納校長直接議事。以免隔膜。三特開通學之例。以便私費學生。四各科課程皆須更訂以圖改良。五保送本校卒業學生入各專門學校。不得有官費私費留學通學之岐視。六實行學生請改之三款規則。七實行原訂學校代備教科用書之規則。總監督亦以為甚當。轉告嘉納氏談頃。汪氏因語次之不便。於第一條僅指明幹事之

一人。而第七條亦未道及。餘則嘉納若慨允之無難色者。四月七日總監督以有私費學生希援通學之例。入院者十餘人。於是重詣嘉納氏擬結締通學之約。酌定學費等事。著為實行之例。詎嘉納氏謂通學之說。祇可埃余異口有另闢之外塾。授課一切。皆與本塾無示區別。組立既定。方可施諸實行。若在目前斷難開例。總監督與婉商甚久。似無竟允之意。實則欲取故與之慣技也。總監督不得已。以通學拒絕之說。宣告學生。令決明日入校之可否。初八日全校學生復會議。謂前持挽回之說者約七事。已而簡為六事。今則尚未入校。遽却通學。六事不諧。已見一端。不如仍守前議。為便。議後仍舉代表。致此意於總監督。及相見總監督。即以唐君寶鏗所錄嘉納氏已經承諾之條件相示。其概畧如左。

- 一 弘文學院於住院生外。添設通學生。
- 一 通學生祇限於自費生。

一通學生之權利義務。如住院生一律。

一通學生之入學。按其志願學力。分編各科各班。但志願一科者。滿二十人以上時得另添一班。

一通學生暫不設額。學院教室可容。即得編入。

一通學生按月納在學費四圓。其餘房飯書籍服被等費。概歸學生自理。

一通學生須同住一寄宿舍。由院長派人同住監督品行照料學事。至監督一身之費。由學院支給。

一通學生須着學院制服。

一通學生寄宿舍應用器具。學院得量力借與。應需各款。學院亦得代墊。

通學之事。至是始諧。代表者因請以此宣告同學。次日

復有反對者十餘人。提出條件中未臻完密有碍實行之數事。擬仍請總監督與嘉納氏重爲更訂。是亦懲於嘉納氏前此之狡變。務爲足昭實地之意。後復有研究

此說者。謂倘此數事於回院後仍可商改。何必迫於今日過爲已甚之舉。次日遂持是二說。以求同人之研究。因事緒複雜。迄無決者。十四日乃集會館各幹事及各省同鄉會各幹事。開談話會以評決之。遂定次日入院之議。

◎成城學校留學生罷運動會

三月二十九日。成城學校開春季運動會。會場高懸萬國旗章。而中國旗章獨無。成城學校留學生。向日人爭之。日人云。凡世界獨立國皆可於此地懸旗。中國已降爲各國保護國矣。安得懸旗與各國平等乎。留學生聞之。開校友會。大聲痛哭。相約不與會。在外留學生有往觀者皆即返。

◎廣西電爭

三月二十六日。留學生得報「王之春私借法國屯駐諒山之兵。代平廣西內亂。許以亂平之後。以廣西全省

留學紀錄

鑛山鐵路諸權利相讓」云云。皆大驚失色。奔走相告。即日集留學生會館幹事及各省及同鄉會職員議於會館。議種種辦法皆未決。後決議暫致電政府及兩廣總督力爭。致電上海教育會協助。再圖辦法。

致電北京政務處及兩廣總督德壽四川總督岑春煊因兩任云開桂撫王之春通款法人。假款乞援。桂省必非我有。各國從此生心。大局動搖。請速代奏。謝絕法人。撤回撫臣。另行籌辦。以免後禍。詳函讀上。

致電上海教育會云。桂事王借外兵外款。東京已電爭。望滬上協應。

三月二十八日開留學生大會於錦輝館。議辦法。久不能決。後決議致緘政府。力請政府拒絕法人。遂散會。緘畧。

學生軍緣起

竟徧中國二萬々男子皆疲儒無氣力者也文弱如學

八

生烏敢言軍哉烏敢言軍哉雖然警電傳矣東三省之風雲急一髮已牽全身將動吾十八行省將從此分割吾父母伯叔兄弟姊妹將從此累々作人奴嗚呼熱心愛國兒其何以堪此男兒死耳寧爲亡國兒不爲亡國人頭可斷血可流軀殼可糜爛此一點愛國心雖經千尊砲萬枝槍之彈子炸破粉碎之終不可以滅於是學生乃憤乃怒乃奮起大呼曰速死速死而學生軍三字乃出現於烟雲慘淡魔氣蔽天之二十世紀舞臺之上某不敏。請濡染吾熱血寒淚之愛國筆。叙述我學生軍之緣起。

四月二日東京留學生得一號外新聞照原文譯之如左

時事新聞北京特電

北京四月一日午後六時特派員發

▲俄國代理公使之談話 俄國代理公使穆蘭孫氏對予(特派員)之訪問其答語曰「俄國反對滿洲開

放政策。於滿洲來往之日美英國人除商業外。凡於北清一帶政治上。有使用外人者。必以正當之防禦力禁止之。外人之勢力膨脹。害及滿洲。俄國投財用兵於滿洲。費多年之經營。而不費一文。不用一兵。之日英等國。毫無容喙之權能。日本於朝鮮之勢力。尙未滿足。何以又伸手於滿洲。殊不可解。從來俄國對滿洲政策。欲取而未取。致有生殺之嫌。故各國生出種々之障礙。今寧斷然取之。歸入俄國之版圖。觀此議論。可知俄國今日之勢力矣。

▲英國之大反對 美國駐北京公使。對予(特派員)言。美國於俄國專橫之態度。不能默爾。滿洲開放之反對。外人使用之禁止。美國當力抗之也。

▲英國公使之警告 英國公使亦與日本同樣。於俄國之要求。蹂躪各國之既得權。斷然拒絕之。昨日已警告日清政府。

▲俄國要求之第七條 俄國要求之第七條。俄國於滿洲占領中所得之權利。清國政府當追認之。

▲英國之示威運動 英國所有停泊芝罘沖之艦隊。來月將為大演習。

時事新聞(倫敦特電)

倫敦四月二十七日午後四時
發 華歷四月一日

▲英國對俄之質問 聖彼得斯堡駐紮美國公使。關於滿洲問題。與俄國抗議。送質問書於俄國政府。

▲美國政府之抗議 北京駐紮美國公使康嘉氏。以俄國要求滿洲事。向清國政府宣告。美國政府不滿意之意。

▲德意志之態度 在柏林之泰晤士通信員報道。德意志於俄國要求滿洲事。但維持觀望形勢之態度而已。

四月三日午前七時留學生會館幹事及評議員開會

留學紀錄

於會館。到會者四十餘人。湯君樵提議電致南北洋。請其主戰。鈕君永建演說言中國志士激昂慷慨。徒有空言。近數年間。已亥十二月爭立嗣之電。辛丑二月爭俄約之電。此次在東留學生。爭法國干涉廣西之電。匪不淬厲奮發。言足動人。然事々不自圖擔當。徒責望於人。人任其艱。我議其後。斷非所以爲國民也。留學諸君。苟能自行組織義勇隊。準備赴敵。然後再致電南北洋。俾天下曉然於我學生界中無畏死者。亦全國嗔矚之先聲也。衆皆舉手贊成。

午後一時開留學生大會於錦輝館。到會者五百餘人。公推湯君樵爲臨時議長。王君環芳、湯君樵、鈕君永建、葉君瀾、蒯君壽樞、周君宏業、樊君錐、張君肇桐、汪君榮寶、程君家樞、李君書城、翁君浩、周君維楨相繼演說。衆皆泣下。乃決議各事如左。

一願入義勇隊赴前敵者儘兩日內簽名

十

- 一別設本部部署軍隊各事
 - 一致電北洋袁軍及上海各團體
 - 一致緘袁軍義勇隊先隸麾下資其軍火糧餉
 - 一特派員至天津與袁軍訂定彼此關係
 - 一遣人至南洋各埠
 - 一遣人至中國內地各段富地方
 - 一遣人至外國
- 議畢。午後六時散會。
- 初四日簽名願入義勇隊者三十餘人。願在本部任職事者五十餘人。即日
- 致電袁軍云 俄禍日迫。分割在即。請速嚴拒。留學生已結義勇隊準備赴敵。詳情續上。
- 致電上海愛國學社教育會云 俄禍日迫。已電北洋主戰。留學生結義勇隊赴敵。請協力。
- 致械袁軍云 頃閱日報。俄人以東三省撤兵事。橫肆

要挾附約七條。剝我主權。辱我國體。視我政府如傀儡。侮我國民如行尸。凡含生之倫。戴天履地者。無不髮指。皆裂欲食其肉。我政府毅然拒絕。不爲所怵。羣情感動。熱喜如狂。前日已公呈電信。乞力持抗議。急修戰備。言雖冒瀆。情實可矜。伏維明公坐鎮兼圻。身兼羣生。上體宵旰之勞。下對洶洶之憤。必有以堅強不屈。挽國家於將亡。是以不揆疎遠。願貢其愚。竊維中國自甲午以來。情見勢屈。各國以洪水猛虎之勢。抵隙而來。割據要害。吸引脂膏。甲國進一步。則乙國必求所以抵制之方。乙國獲一利。則甲國亦必謀所以均沾之實故。臺灣既割。而膠州隨亡。旅大既捐。而威海亦失。此奪鑛山開採之權。彼握鐵道交通之柄。難端一發。寢不可制。及庚子之變。喪師辱國。排外之志未伸。而窮蹙之勢益顯。列強環視。操刀待割。英日聯橫於前。俄法合縱於後。前者以扶持保護爲美名。而欲收潛移默化之効。後者以分割脅

迫爲公理。而惟恐失兼弱攻昧之機。是以極東問題。日騰各國之報紙。而償金之事。各國且互相窘迫。而未知所終。夫俄法既明目張膽以侵略爲事故。法則煽亂於南。欲一舉而得全奧。俄則跳梁於北。且南向而窺京師。今廣西之勢。方汲汲不可終日。而東三省之警報。又沸騰於內外之口矣。頃聞美人已通謀俄都。詔言詰責。日本亦增修軍備。上下戒嚴。中原大陸。行將爲列強角逐之場。而我方隱忍依違。人無固志。或怵於積弱。新創之餘。而禁言兵革。或狃於居間調停之策。而依賴強隣。嗚呼。剝膚之災。已迫眉睫。而猶欲偷安旦夕。僥倖於他人。之。或我恤者是。雖天下之至愚無恥者。亦心知其不可也。故今日之事。戰亦亡。不戰亦亡。戰而割地。則列國無所借口。暫戢其亡暴之威。不戰而自屈。則他人必引以爲例。而各逞其無鑿之慾。是則戰雖亡。而猶有萬一不亡之理。存於萬一之中。不戰則雖免亡。而誠恐速亡之

道。已。迫。於。終。食。之。頃。矣。昔。華。元。有。言。『。過。我。而。不。假。道。鄙。我。也。鄙。我。亡。也。殺。其。使。者。必。伐。我。伐。我。亦。亡。也。亡。一也。遂。殺。楚。使。』。古。人。之。於。國。權。存。亡。之。際。兢兢。若。此。而。不。惜。以。孤。注。一。擲。之。舉。爲。徒。手。搏。虎。之。計。者。誠。見。夫。國。恥。之。不。可。長。而。利。害。之。比。較。之。不。可。不。審。也。自。警。報。西。來。輿。情。憤。懣。廢。學。忘。食。志。在。授。命。數。日。以。不。期。而。集。者。百。有。餘。人。咸。以。投。袂。歸。國。自。効。行。間。刻。日。待。發。以。死。自。誓。嗚。呼。某。等。肉。血。之。軀。亦。猶。羣。衆。而。負。笈。遠。學。未。更。訓練。既。無。昏。瞶。失。心。之。疾。亦。知。強。弱。不。敵。之。勢。而。猥。欲。乘。其。所。業。以。委。身。於。百。萬。虎。狼。之。口。者。固。以。爲。亡。國。之。慘。痛。於。殺。身。奴。隸。之。辱。酷。於。斧。鉞。生。爲。無。國。之。民。不。如。死。爲。疆。場。之。鬼。苟。得。親。握。寸。鐵。刺。刃。於。俄。人。之。腹。雖。磨。頂。放。踵。猶。有。餘。甘。至。於。成。敗。利。鈍。固。非。所。問。也。昔。波。斯。王。澤。耳。士。以。十。萬。之。衆。圖。吞。希。臘。而。留。民。達。士。親。率。丁。壯。數。百。扼。險。拒。守。突。陣。死。戰。全。軍。殲。焉。至。今。德。摩。比。勒。之。

歿。榮。名。震。於。列。國。泰。西。三。尺。之。童。無。不。知。之。夫。以。區。區。半。島。之。希。臘。猶。有。義。不。辱。國。之。士。可。以。吾。數。百。萬。方。里。之。帝。國。而。無。之。乎。吾。國。與。外。敵。交。戰。之。事。有。史。以。來。不。可。勝。紀。而。有。敗。無。勝。爲。萬。國。羞。獨。康。熙。二。十。四。年。雅。克。薩。之。役。彭。春。以。萬。八。千。之。卒。困。俄。人。於。重。圍。毀。其。堅。壘。斃。其。驍。將。托。爾。布。泰。使。俄。帝。彼。得。不。敢。逞。志。於。我。而。尼。布。楚。之。條。約。遂。逐。俄。人。於。外。興。安。嶺。以。北。不。得。南。踰。一。步。雖。盛。衰。之。勢。今。昔。懸。殊。而。亦。足。見。其。勝。負。無。常。惟。所。自。召。安。見。斯。拉。夫。之。民。族。必。雄。長。於。亞。東。而。可。薩。克。之。兵。士。果。無。敵。於。天。下。者。哉。凡。今。所。陳。自。是。明。公。所。洞。悉。而。顧。喋。喋。不。輟。重。瀆。尊。嚴。者。冀。某。等。義。憤。之。忱。見。諒。於。左。右。不。徒。以。衆。寡。強。弱。之。不。敵。而。怪。哂。其。妄。也。頃。議。公。屬。學。生。某。即。日。詣。轅。敬。陳。一。切。懼。謠。啄。之。言。或。已。先。入。故。復。肅。上。一。簡。盡。布。至。愚。幸。賜。容。納。不。勝。屏。營。電。已。達。緘。已。發。義。勇。隊。已。成。福。建。江。蘇。湖。北。湖。南。浙。江。

雲南、貴州、廣東各開同鄉會。演說義勇隊事。莫不嘔心

瀝血。沈痛悲切。福建童子方聲喧於同鄉會中。求籤名。

衆以其穉也止之。童子曰。吾爲國死。肥瘠耶。遠奮起。署

名。翁浩持之哭曰。聲喧。我北征且殲。留汝爲吾國忠義

種子。死更有光大於我者。我輩日言自強。今乃僅即於

死。以塞責。吾罪且不可道。汝復輕身殉此。胡爲者。舉座

皆涕不可仰。

留學女學生開俄事急。學生編成義勇隊。亦開會商議

協助。胡女士彬、林女士宗素、方女士君笄、陳女士懋

華女士桂、龔女士圓常、錢女士豐保、曹女士汝錦、王女

士蓮。皆含淚演說。呼誓死以報國。乃簽名軍隊。帝國婦

人協會校長下田歌子聞女學生會議事。急止之。女士

成涕泣曰。吾且無國。安得有身。更安得有學。遂決議從

軍北征。任軍中看護死傷事。致電於上海女學校云。

俄禍急。女生入赤十字會。同學生軍北征。告各女學校

協助。

初六日復開大會。商議規則。已簽名諸君咸到會。議畢

呼學生軍萬歲。

附學生軍規則於左

第一 定名 學生軍 本名義勇隊 (甲)軍隊 後易此名 (乙)本部

第二 目的 拒俄

第三 性質 (甲)代表國民公憤 (乙)擔荷主戰責任

第四 體制 在政府統治之下

第五 組織 (甲)隊中職員 (乙)本部職員

隊中職員

隊長一人 (軍法會議其議長即隊長)

區隊長三人

參謀長一人

分隊長十二人

留學紀錄

(隊中看護員由女學生組織之)

本部職員

部長一人

運動科長一人

經理科長一人

會計科長一人

書記科長一人

參議科長一人

(其餘運動員經理員會計員書記員參議員均

無定員)

第六 會議 (為全軍之總機關)

議員以二種人員組織之

(甲) 隊中隊長及區隊長參謀長

(乙) 本部部長及諸科長

十四

臨時職員凡在隊人員有意見者為之會議中應

立議長一人(臨時)

第七 軍紀

(甲) 遵守秩序
(乙) 服從號令

第八 籌款

(甲) 出發款項(課先運動臨時取款)
(乙) 尋常款項(即學生義務捐及特別捐)

義務捐

一等 二元
二等 一元
三等 五角

第九 講習

(甲) 操習
(乙) 講課 (每日約各一時以上月

有表)

第十 出發

俟特派員復信後

第十一 解除

(甲) 目的已達
(乙) 目的消滅

第十二 附則

(甲) 編隊次序 (每日照常在校上課之餘
輪班講習)
(乙) 退校次序 (出發定期後即當報告監
督及各校長退校)

嗚呼。吾敘述吾學生軍緣起既竟。吾心增無窮之感觸。添無窮之悲憤。中國者中國人人所共有之國。憂國之念。亡國之慘。應亦同具。此感情乃舉國斯睡。醉夢若聞。

也。若未聞也。若鞭之不知痛。割之不知號。惟此寄居三島。無國可歸。顧天無路。之文弱無氣力之數百學生。願以其弱質拒大敵。若童子若女子亦皆瀝血灑淚。求戰死於西北沙漠地。以報國嗚呼。嗚呼。孰非父母兄弟之愛子。愛弟。愛姊妹。而乃忍其至此。吾哀之。吾哀之。哀其力不能救國。而甘心暴骨於疆場。其精魂抱憾億萬年而不散也。雖然。吾哀之。吾愈自哀。吾誓死以報國。而今竟死而不能於吾國有絲毫之影響。何者。搏々大陸人心盡死。彼將曰。爾死。爾爾之自苦。誰爾惜者。吾將作大國之高奴。以終吾天年。嗚呼。謂予不信。請觀異日。嗚呼。果如是哉。果如是哉。吾將使吾精魂常凝滯於東三省。佇看我四萬々同胞之奮起矣。嗚呼。我四萬々同胞其諦聽。嗚呼。我四萬々同胞其諦聽。





游學譯編

第六冊目錄

癸卯三月十五日

●學說

◎政治學說 (續前)

●教育

◎國民教育論 (續前)

●軍事

◎英國海軍史略譚 (續前)

●理財

◎經濟政策論 (續第二冊)

●時事

◎十四年來之德意志

●歷史

◎紀十八世紀末法國之亂 (續前)

●傳記

◎南阿獨立英雄古魯家略傳

●地理

◎國際地理 (續前)

●外論

◎開發支那社會之機關

●餘錄

▲世界人口之增加 ▲世界五十年來之戰爭費 ▲世界之石炭消費 ▲世界最大圖書館之藏書數 ▲世界圖書之總額 ▲世界之小說出版數 ▲世界之新聞紙 ▲世界人口之生命 ▲世界人口之養應費 ▲世界飲茶紀數 ▲美國婦人之職業 ▲英蘭銀行之役員 ▲德意志之郵便局 ▲土耳其帝之後宮費 ▲瑞典之旅館

●通信

◎勸同鄉父老送子弟航洋求學書

浙 江 潮

第 四 期 目 錄

癸卯四月二十日發行

洋裝百八十頁

半年六册 全年十二册 價銀 壹圓七角 郵稅 三角 酌加

●圖畫 ●浙江全省十一府新地圖(其二)

湖州●杭州西湖十景(其三其四)●餘數幅

●社說 ●浙風篇

●論說 ●論歐美報章之勢力及其組織

●學術 (七種)

▲政法○俄人要求立憲之鐵血主義

▲哲理○希臘古代哲學史概論

▲教育○中國教育之方針(續第一期)

▲軍事○海軍教育系統談

▲地理○地人學

▲傳記○威麗謨蒲施夫婦合傳

▲科學○氣體說

▲大勢 (二種)

▲各國內情○孟魯主義(續第三期)

●國際政局○英法之親交▲極東經營○極東問題

●談叢 ○野獲一夕話○迴瀾叢話

●雜錄 (四種)

▲東報時論

▲來稿○論海鹽之教育

▲專件○蕙蘭書院退學始末記

▲留學界記事○拒法事件○拒俄事件

○餘數件

●小說

▲章回體○血痕花

●日本聞見錄 ○博覽會遊記

●調查會稿 ○紹興新昌縣物產表○溫州瑞安縣城內教育區所表

●總發行所 ●總代派所

日本東京神田駿河臺鈴木町
十八番地支那留學生會館
浙江省城 萬安橋

●浙江同鄉會雜誌部
上海英大馬路壽康里
永記書報代派所

每 月 一 回 陰 歷 二 十 日 發 行

國 民 必 携
政 法 學 報
臨 時 增 刊

目 錄

最新東三省地圖

緒論

第一章

第二章

第三章

第四章

第五章

東三省問題之由來
俄人於東三省之野心及其手段
俄人於東三省之實力
東三省撤兵問題
列國於東三省之關係

東 三 省 問 題

第六章

第七章

第八章

第九章

附錄

列國對東三省之態度及今後之舉動
中國對東三省之失策及今後之危險
中國對東三省之善後策
國民對東三省之責任

發行所 譯書彙編社
發賣元 開明書店

直說 第二期目錄

教育 ◎小學校教育

政治 ◎國家之起源……權利篇 續前冊

社會 ◎人羣之進化

生計 ◎分功解

軍事 ◎軍人之尊貴……壯哉軍人快哉軍人

外交 ◎西藏與英俄之關係

傳記 ◎法國第一人甘必大傳

外論 ◎戰時之東清鐵道……俄之滿洲殖民

雜俎 ◎雜事五則……雜談十五則……雜錄二則

本報自癸卯年正月望日出第一期以後即按每月望日發

行在東同人可向本社函購即當按期寄送在本國者可向

各代售處購索全年大洋一元五角半年八角零售一角五

分郵費按地遠近酌加若海內有願任本社代派者以八折

計算但報者須先惠交本社或總經售處方便郵寄

日本神田區袋町九番地

總發行所 直說編輯社

天津北馬路名賢書畫局

總經售所 楊星北先生

江蘇廣告

門類

- 圖畫 一
 - 社說 二
 - 學說 三 (政法、教育、軍事、衛生、實業、哲理、歷史、地理)
 - 譯篇 四 (門日界同學說)
 - 小說 五
 - 時論 六
 - 記事 七 (本省、內國、外國、留學界)
 - 記言 八
 - 雜錄 九
 - 廣告 十
- 刊例**
- 一 本識為江蘇同鄉會所發刊以輸進文明為旨
 - 一 本識編撰員由留學日本之江蘇學生擔任之
 - 一 本識每冊約六七萬言洋裝百二十頁以陰曆每月望日發行
- 售例**
- 一 全年售大洋二元五角半年一元三角零售每冊二角五分遠處郵費照加
 - 一 欲購本識者請向本識總發行所或分售處購取
 - 一 如有願代售本識者請兩知總發行所十分明九折三十分以上八折

第一期概目

陰曆三月望日發行

發刊辭

圖畫

社說

學說

譯篇

小說

時論

記事

雜錄

- 江蘇改革之方針 ○ 理想之新黨 ○ 哀江南
- 政林進化論 ○ 泰西教育家語錄 ○ 軍事學
- 說腦上 ○ 江蘇工業之前途
- 釋盧騷非開化論 ○ 強兵策 ○ 巖鼉蛇傳
- 破裂不全之小說 ○ 空中旅行記
- 黃禍豫測 ○ 其他
- 本省要聞 ○ 內國要聞 ○ 外國要聞 ○ 留學界記事

總發行所 江蘇編輯部

上海四馬路胡家宅

編經售處 文明書局

日本東京神田鈴木町十八番留學生會館

新編

普通學
教科書

中國歷史上卷出書廣告

特別廉價
大洋一元

黃帝血裔大國民橫陽翼天氏痛中國之將鬻割憤漢種之為犬羊特輸熱誠放
 哲眼為四萬萬同胞編輯中國歷史叙述我祖國起原發達變遷進化之大勢盛
 衰進退之因果關係而以光明正大之種族精神貫串而點綴之使讀者歎然跳
 出十八重地獄之死奴隸圈變鑄為愛種愛國之活潑人格誠空前之偉著而為
 歷史界放絕大光彩也我國教育大家而果以養成國民愛國精神為主義乎則
 某請貴製造愛國國民之神妙藥料以為醫國之一太主動機關

發行所
代派所

清國留學生會館
上海英界三馬路

東京新譯社
蘇報館

成城學校日語教程第一編出版廣告

是篇為學日語日文第一課本
逐字逐句依文法講出經講師

改定手此一編文語並進此卷讀畢尋常日語皆得要領由日語改日文由日文
改日語尤為此卷特色

發行所

東京留學生會館

坤輿兩半球圖廣告

大地體圓如球。故名曰地球。此圖分作東西二球。以便檢閱地球之面。水居十之七。陸居十之三。水分作五。曰大東洋。曰大西洋。曰印度洋。又名南洋。曰北冰洋。曰南冰洋。陸亦分作五中央曰亞細亞洲。西北曰歐羅巴洲。西南曰阿非利加洲。此三洲土壤相接。又東南有澳大利洲。俱在地球之東面。而在西面者。曰南北亞美利加洲。合之為五大洲。中分大小各國。無慮阡佰。此外有無數島嶼。星羅棋布於五大洋中。亦一一縮寫。極大無遺。而各洲交界分以五彩。高山大川都會。城邑以及。鐵路電綫船艦航程等。務加博採。摹繪精緻。眉目分明。譯以華字。詳注地名。印用潔白洋紙。掛之壁上。一目瞭然。誠為興學之捷徑也。

每張價洋二角五分批發另議 書局寄售 上海四馬路樂善堂藥房 化學儀器館 文明書局寄售

日本東京銀座大街 樂善堂 敬白

本社名譽贊成員續登鳴謝

- | | | |
|-------|-----|-----|
| 關舟先生 | 捐英洋 | 壹佰圓 |
| 胡大令珍 | 捐日洋 | 拾圓 |
| 黃大令聯元 | 捐日洋 | 伍拾圓 |
| 中州張觀察 | 捐日洋 | 伍拾圓 |
| 陽湖錢觀察 | 捐日洋 | 伍拾圓 |
| 李和甫先生 | 捐日洋 | 伍圓 |
| 鄧君文衡 | 捐日洋 | 拾圓 |

編輯及
發行者

湖北同鄉會雜誌部

印刷者

日本東京牛込區市夕谷加賀町一丁目十二番地
藤本兼吉

印刷所

日本東京牛込區市夕谷加賀町一丁目十二番地
株式會社 秀英舍第一工場

東出版所

湖北學生界社

上海總發行所

國民叢書社

武昌總發行所

橫街 中東書社

北京總發行所

椿樹頭條胡同咸甯館

湖 北 學 生 界 第 四 期

光 緒 二 十 九 年 四 月 朔 日 發 行

[本 報 總 經 售 處]

上 海 武 昌 國 民 叢 書 社

[各 處 代 派]

上海 四馬路新民叢報支店

四馬路開明書店

三馬路蘇報館

四馬路望平街中外日報館

四馬路作新社

棋盤街商務印書局

棋盤街新中國圖書社

四馬路望平街啓文社

無錫 務實學堂帳房

南京 夫子廟明達書莊

東單牌樓啓新書局

江西 南昌派報處

武穴 朱復成

黃州 殷豐恒號

湖北 文明書室

湖北 謙吉士莊

宜昌 南正街令原畫室

四川 成都紗帽街少年學社

北京 公慎書局

北洋 官報局

天津 李茂林

山西 太原武備學堂毛昌年先生

湖南 礦務總局

寧波 文明書社

杭州 白話報館

北京 有正書局

平湖 文海閣

洋涇鎮 兩宜齋

直隸 官書局

明治三十六年二月十日第三種郵便物認可

(光緒廿九年四月初日發行)